

躬
耻
三
耻
金

第
八
册
卷




05363

後編詩題辭

扶輪推大雅海內仰靈光諫草留名論幽懷抱古香神龕陶靖
節澹遠孟襄陽凡鳥無須吭人間有鳳凰
羣盜尚如毛憂來賦楚騷江湖當日下何處覓同袍幸有典型
在爭傳格調高耆英儻結社遲我臥蓬蒿

海昌 查冬傑



躬恥齋詩鈔

卷二之一

一 越峴山館琴



Vertical text on the left side, including the characters '查冬傑' and other faint inscriptions.

躬恥齋詩鈔後編卷一

起己未冬至庚申冬

分咏盆鞠十首

日精色正黃豐美多文章展翅下霜皋人呼金鳳凰不謂清瘦
身中涵炳蔚光渥赭承露醴允宜侍垂裳黃色長瓣重臺者

雪衣展朱脣比況似素燕花神底好奇含章使幻變龔樸而蘊
華凡豔不輕炫吾疑澹泊人偏嗜紫霞噉雪管而吐紫如舌

將軍不嫌老虎須捋霜雪叱咤張之而黃口頓驚絕西風久塵
戰黑頭已多白勅爾除鼠狼奮髯更誰敵白色似虎鬚甚健

春酣桃杏餘細雨飛碎紅逸儔乃效之淺緋颺晚風蕭辰妙渲
染洒落東籬東似分霜葉微莫辨迷離中若細霏紅雨狀

月華爛白金如鉤亦如玦不圖造化鑪別能鑄寒菊宛然銀指
甲齊向瑤琴掣觸意更無聲冰弦勿愁折重環如銀色

躬恥齋詩鈔

後編卷一

越峴山館卷一

欲放偏喜道粉本猶雙鉤蠟鳳玉釵蟲凍鵲雪花虬有波皆自
迴無筆不令收堪悟書畫法妙理凝素秋細如粉絲而卷縮

霽色映斜照曾名柴氏窰仙葩淡彌絢亦復藏妖韶靄然山氣
佳詩境如擬陶虹散餘綺清恍欲攀丹霄紅淡而潤謂雨過天青

蒼松鬱升暉大紫凝古色儼如九霞丹翠袖新捧出淺深判朝
暮異彩各標格何不洗鉛華懸針寫遙碧松針有深紅淡綠各色

色澹近紅菱心丹如紫蘭獨依涼月瘦先怯曉霜寒作態雅羞
澀含情愁鬱單不勝葵藿意向暖未衰殘藕色蘭心

瓣瓣垂玉蓮團團聚瑤雪翼舒素鸞豐心照明瞻澈高人味道
朕榮性抱貞潔不待洗凡塵悠然賁初白雪團荷瓣

仲冬十九由新店插入泗水西湖抵魯橋而還舟中作一詩呈
河帥黃莘農先生

泗源泉出八十二迸入鄒濟皆歸湖魯橋東西導流廣南昭獨



衍成三渠冬深漲落泛小艇湍水無浪觀魚鳧背如長離張兩翼面臨明鏡涵雙珠欲證包君昔遊紀惜訪桑戶無師儒遇一老人一亭長稍稍問訊迷權輿但言黃瀾近倒漾種麥薄收遲則蕪告以營田菑秔稻非不欣羨功難敷淺汀葑草延州里曷試畦町防淪胥爽然謀野誰可語迴帆卽逐歸鴻徂潞河客談尙留柄鑑湖回踵安能趨乾坤旋轉仗賢使仰莖教稼壽良謨石佛牖卽事

一宵風甯發曉起滿蓬霜水異湖心凍天應牖背涼綽綽憐役苦皮服恐漁僵湖中漁人多著皮沮水石佛亦凄冷空依薜荔牆

讀饒欲亭後集跋後次壽陽公丁巳歲除自題韻

情天寫出有聲畫老福修來無事間願息鼓鼙清宇內賡成雅頌奏縣間熱腸怕見離筵數冷枕愁聽敵轍艱却勝温公居洛日近依

躬恥齋詩鈔

後編卷一

二 越峴山館琴

丹闕當青山

八月朔卒於武林其到浙未久也

哭葉二潤臣
兄淪溟海不生還父入荒雲自閉關多難未堪忘疾痛一官豈足釋恫瘝囊中句溼傷心淚湖上綠空到眼山應是浙人無福分莫留長者拚民艱

刊定詩編獨老成慎修言行忘浮榮賢聲突過王平甫諡氣高

於范巨卿省闈風徽偏落鳳天涯問訊已騎鯨余於秋中致書君已下世胡雲

次有樂天書到微從今韋杜城南友悵惜騷壇舊玉盟君已下世胡雲

夢見吳美堂師丈諱孝銘故宗丞

赤水珠沈出九淵師從遺卷內錄中紫樞星迴侍重天薄才陶鑄真奇

遇後進追隨有夙緣容直雅栽薑桂性周貧深體黍華篇感懷

竹屋長辭後愴隔瓊霄二十年

趨朝踳踳患邊微爾雅注二跋寔偏招貴胃譏正氣獨完千仞

節仙風早襲五銖衣
光明道域存神遠
虛白心齋入夢稀
未及一賔張趙述謂張穆
趙振祿

因卹子偶因遲起自嘲用余魯橋舟中韻復疊和之

古稀先生早獨醒
一覺已澈雲夢湖
歸來高臥修竹裏
不問卹外喧
踪渠舊會敏門遠
相訪況况自適波
中息頗疑蒼涼此枯

澤苞蘊徑寸光明珠
誰料雞鳴多跣徒
震虩廬井驚宿儒
強尋氣診不到處
隨意息肩停手輿
近方講學大樹下
暇草間史開

榛蕪旅中自負芻寇退眾安枕
翁亦靜憩寒瓊數何妨
昔騰與同樂且任胡蝶游
斯胥我從睡鄉得鷗語
半畝塘邊語白鷗
浩然長駕凌鄒祖
一峯詩夢當許續
請學假寐遲塵趨羅一峯夢
見睡說快哉與子共休矣
勿顧蜃氣張虛譙周官壘人注
或為謨

次和固卹留別用拙集中韻卽送歸金鄉

日向鄒鄒瞻望折支折支猶折枝老人須人推
拏其四支也本孟子託

躬恥齋詩鈔 後編卷一 三 越峴山館栞

荒汀雁影稀
叩友靜夜梅心賸
獨思柳下吟
風春信近
蘆中飛雪客歸時
麗公偷為移
邁軸好覓深山約
種芝

賀曉亭新遷郡守曉亭治沛三載其建樹之切於戰守者以築土城頭牛頭河為最鉅事
聞遂有補調

濟濱清節激冰壺
天際好音飛玉符
真拜漢廷二千石
善將魯侯三萬徒
金湯一籌見實用
海岱十郡需良謨
特念潁川誰替

得望留鴻渚
懽萑蒲壽朱雪垞弟六十

東武名臣留遠孫君為前明相國文懿公後
迢遙樓賸古梅根
清風夙被高人里
居在陳海樵善氣宜生積德門
吏隱多才稱屈宋
耆年真

率列韓溫長安舊
雨魚山雪耐久相親
老弟昆搔詩青髻已成
斑悟道丹經未閉關
六十崧峯周絳甲
八千椿

樹總蒼顏潮生每得神明貺湖乾禱水
屢有奇應氛靖長教壯士嫺練勇
中都

使檢寇 寂喜課兒新入塾書聲清度柳湖灣

醒後口占

空隙一團月夜闌侵我牀齋心方獨覺滿屋有清光

長澹湖懷澹臺子 夢中作寤而成之

長澹湖邊春水生風吹柳隄煙波平棠魚活潑喜游泳大東景
物無古今追想弦歌得人處羣賢來會風雲遇陸離大劍貌嚴
威古畫圖中思子羽當時文武身能兼赤手曾取蛟螭潛斯鄉
壯士被餘韻尙期敵儼礪鋒銛知方有勇良家選卓犖先從鄉
魯見一時扞禦衛州閭多少清流空健羨

二月杪甲子喜晴

春人寒不釋雪雨苦頻頻難得初晴好欣逢上甲新氣和舒滯
翼波暖漾窮鱗寂喜開書幌階前綠正勻

三月十二日雪坵病革往視之以詩贈款

躬邱齋詩鈔

後編卷一

四 越峴山館葉

壽圖題後幾相見雨雪思君春苦寒握手驚看岑骨瘦拊心愁
顧鶴雛單辛酸欲斷湖神夢玉汞空吞羽客丹多恐吟魂留不
在約隨雲鳳侍仙壇

奚僮折節磨桃杏花供几案爲賦一詩

節靡虛無人春風爲誰噓曠園桃杏發爛漫徒自娛靜女非望
憐芳心含幽居不圖牆外枝攀折來僮奴攜歸山客齋舊色照
琴書香氣初微聞幾當梅鄂如賴爾破岑寂私慰同姝妹應歎
倚朱門不若蓬蒿廬

卽景

王師苦未休幸逢時雨至草野望天和關心最農事

與崔芋堂曹邑丞夜話

河尙有形成壘壁戰非無備計屯田挑鎧細話憂時略借斧龜

山策萬全

汶上思雪坻悽然書此

泛槩長溝會挑鐙短榻聯三年紉契闊一意共纏縣可惜摧良
幹多應侍上仙今朝過汶上追憶淚酸然

吾山三絕句

到眼見吾山關心望瓠子莫問古宣房追尋究終始
吾山不改綠瓠子復流黃造化弄今昔循環如故常

難得太行隄一綫纏千載愧絕後來人康功孰能再

贈東阿長吳筱亭

山城會鼎來縣丞亦習熟忽開小茆堂野色葦花木主人自蒔
蔬待客清味足一談見冰雪素尙早遠俗政暇偶娛古彝鼎示
斑駁訟庭靜無囂意度殊悃悞圖河如指掌導我拭目輕陰
洒疏雨勞者少洗沐周知南北涯仍在棠下宿明當發張秋追
步東山躅謂劉忠宣公望勸子來民好音置郵速

躬耶齋詩鈔

後編卷

五 越峴山館

偶見人書秦淮富春語又舉黃庭觸而成句

虹橋綺麗釣臺高在昔行蹤過幾遭不意天收名勝蹟清穠都
付劫灰燒

黃庭自在人身裡各有千秋保命丹內外景滴方寸地藏真應

比晉唐寬

陶城鋪

蕭械陶城址停車讀古碑人煙隨水去郁樹任風吹野汲知供
渴糧空愧問飢莊園應可復莫更障川遲

張秋喜雨

時假捕河廩爲館

元賜望霖蔭就樹栢虛庭古槐種何代千載有餘青風歎太狂

躁渴思靈雨零灑然潤油雲一洗黃埃冥枕菽及時活四莖含
蔥菁卽此音聲枝浙漑尤喜聽沙塗踐微溼尙可摩河繩量水

既以慰農家又不妨經營勞人甚愉快黃子善藥青

秦友松來會於張秋望其能勸民成事也貽以長古

黃河陡向東北流吾山瓠子狂瀾浮莫歸故道姑順勢小補防

障紆民憂連年蒿目見昏墊苦口勸策安能休今聞

德音自天下監河置吏商訂謀量墻測水用二劉輝庭問渠余兩守備

與陳子幼軒重奔趨州一時共事難得有心者喜遇同里秦博

州東昌古為博州欲教澤國盡耕鑿須變沮洳常增衰務東正漕少苟

漕先治上游疏下游幸看范濮漸成堰導荷塞郵田多挈培高

繼厚賴董率民力樂效畚且杯前功考埒加鼓舞白龍九龍咸

蟠蟠齊東減壩利津郭一一保護資蔭祿更於海門慮淤滯鐵

帚掃沙毋或畱歷下地卑恐侵溢衛城未雨宜綢繆勞人習見

愚者計敢為傾吐交應求奉揚仁風慰蒼赤昂哉夫子誰容儔

張秋縱論繫深望濟川頗得隨仙舟

送伍卓峯忠阿內轉宮庶

躬躬齋詩鈔

後編卷一

六 越峴山館棊

君坎喜朋來春深石上苔忽聞

鸞詔下遂送鶴雲回折柳

臨河濟摘華入斗台不勝離思遠天際望蓬萊

紫濛多間氣蓮岳被仙風誰似兼靈秀超然拔俊雄善應為世

寶才合補天工君性好善常以濟人利物為心早鼓中流楫雲濤万里通

題金冬心徵君農臨東漢華山廟碑為武筠莊壽齡所藏黃小

松舊藏本今歸筠莊則在東平也

金天豁西爽浩浩鬱空翠文育清明姿實聿炎漢世郭香察蔡

書相傳為蔡中郎書延熹八年事是名華岳碑海內本存二全者宋漫

堂缺者王無異宏撰冬心為合撫神物乃一致未徵玉虹刻小

言王本刻玉虹堂下欣見稽留字冬心一號稽留山民想其運筆飛揮洒出靈氣突

如蛟龍躍赫若風雨至離披裊藤蘿橫掃逞鋒勢黑疑假松狀

自得壘帚意近楷竝近艸更忘作分隸雙鉤既遠勝玉虹刻乃冬心雙鉤

此蒼莽當過之重鐫翻不逮半壁落秋盒此本殘芬贖巾笥誰謂金司

農冬心字乃逢李都尉謂石屏帖同傳視重用傳塔珍比藏經遺到眼足稱福鑿心乍知味書此豹斑餘聊以當題識

中夜畏涼枕上口占

金不三庚伏涼偏六月生匡牀嫌簟浥布被怯棉輕兵氣知多洩河聲恐未平齋中應少寐愁思劇淒清

六月三十日夢有使人貽一玉物鳥形而尾有玉瑣下垂矮者詢諸人日是名玉桃似薰香夾室中器醒而得句

碧玉桃含鳳味香從天恩得界文房却慚寒儉如何稱定為朝元拜紫皇

書悟

蟻尋密益先知氣蜂向遙林早識香小物皆能通感觸凡夫何事困迷茫

故人竹伯見循環文境万千開秘關不及一峯仙夢句坐忘深躬恥齋詩鈔

處惜空還

後編卷一

七 越峴山館采

題姚雅山水曹蘇怡詩草

一葉泛河泝閒閒泊水門儒因貧吏隱道有古風存清濁滄浪意浮沈詩酒痕勞魚同氣竭窮鳥欲聲吞尚著江花潤安求孔

席溫詩中多述奔走之困葭汀多嘯侶竹舍長飴孫樂此仲家淺依然杜老邨知君耽靜理願共倚雲根

題王耐貞見貽山水畫幀耐香寫此初無王名表池審視恍若在越峴之間思與老友恕空結鄰踐

約處也 戲為之詩

畫師多出山陰王罕以山水圖其鄉耐香少年獨妙悟試筆皴

墨殊淋漓千岩萬壑何所擇無心短幅摹青蒼層岨迭起層圓阜儼似天柱朝秦皇朱華側露紫洪趨惟峴隱現疑中臧面山

臨流好郵落謝公古墅差相當儒林丈人與禪客命儔遊目同

常羊鳥窠難攀入雲際山半懸團郭是鳥窠高僧苦修處鷺臯遠仰連天荒攜

琴定欲寫幽磯繫艇意在窮高岡比鄰楚楚林木茂大可任我
衡門秀學廬招隱舊有約到此其葆桑榆光悵今吳皖氛正隴
歸路尙覺愁冥茫儻澄江湖掃煙霧早遂樵牧居茆堂以君天
機兆地券散材伏處甘冰霜

題黃莘農河帥檢書看劍圖

書可鏡千古劍當敵萬人丈夫志磊落兼資超等倫夙昔鏖文
場早稱飛將軍提衡滄海頭北極底東閩善韞瓌璋姿欲清六
宇塵鄉邦佐防禦還朝已策勛人領臬蘇儔出探河沛源仗
節鎮冰夷宣威率虎臣頻季靜淪瀾尙慮滋鯨鯢鼉讀禹元經
夜習陰符文三尺照秋水半壁騰青鱗豪情寫英爽氣可雲夢
吞快意舒醉吟聲將崧岱聞會當報

天子蕭然後中原願公重努力常礪金石身

東戴友梅新上泰安

躬恥齋詩鈔

後編卷一

八 越峴山館采

剝琢秋陰裏書傳行脚僧言君郡符下已向岱雲登吳觀江千
里齊州月滿繼有孫將迓母扶上碧陵嶒

中秋東謝起山編修惠家製月餅家園筍脯

說餅舊曾推太史烘箔同筍音胎取好出家園鄉心欲共團樂意道

味應分也足軒此際桂香思玉宇幾時桃熟乞江邨月華偏化

良宵雨且賞茆檐樂晤言是夕未見月

夢中成畫彩仙靈排律

如見仙靈出幾因畫彩迷春風翻蛺蝶秋雨捲躩踞二句月映先得

鸞軒朗雲排鶴駕齊神光三島上真炁十洲西漏壁疑飛浪披

帷儼舞霓丹青懸萬象苞采展雙鸞變極天人狀奇爭翰墨題

華胥觀異境何處認筌蹠

題冀冬陽醞正小立圖

局脊世途難從容小立安五行堪遁跡四海獨觀瀾掃盡空華

相摩消熱鐵丸見劫外錄仙人龔蓋道隨處好栖鸞

友梅未上岱郡奉檄防海復寄一詩

中道回熊軾單師赴鴈臺急防海波沸飛駕嶽雲來指願聞三捷驅除酌一壘好音勞北望不待馬虺虺

書慨夢中作

未修文意格貪頑使器爭逞觸蠻穹幄暫容 星罕駭幽州

遙望 日華還海濱曲和梅三弄沾上煙銷柳一灣遮莫北風

蕭滅後可無野鶴唳津關

起山姻丈從太山頂與天震井汲泉二益攜歸任城須及蒙雅

賦此志謝

靈液涵岱顛神泉涌震井得一已近天沉挹兩泓坵甌分玉洞

潔漿出銀牀冷灑然觀水使汲來千丈綆沾潤惠兒曹氣味殊

澹靜舉家欣共嘗沁舌心頓醒儻能益智慧如灌醍醐頂報之

躬取齋詩鈔

後編卷一

九 越峴山館采

以短章須君和石鼎

挽潼關司馬顧五弟古生

績學能承通德門宦游久傍少陵原澄懷淵若雅多契良政聞

然稀自言營道莫延巖際月眉山空養坐間瞰却疑紫閣松陰

兆早有先機授伯温君卜居有扈遂命歸藏于其鄉或光有康節移家之志乎 周子五十七而亡君時

亦五十七

天台山中曹茂才壽人揀選寄六根青靈草兼惠野尤數箇詩

以謝之

台嶽靈氣叢鍾奇不可測龍尤久蟠根突過天目出芽過發禪

智剷除俗根滅滅處萌生機異挺古未識山中有幽人隱居偶

採拾一白儂六青神妙手兼得意將壽斯世用輔苓芝列遠爲

藥籠供特健起衰劣拙老淹涉上肝脾苦貞疾惠來信神助敢

私窺躬益願傳海內知草經續疏釋更思移植鮮細詮香味色

初作細圖
枝葉節

小吳得大雪喜作時僧即方簡旅雪中以禦寇也

天心欲釋東方疹十萬兩兵排雪陣白經再見今已三滲漉泗
濱和氣潤赫然天上來將軍為勦庶頑梟獍羣瓊帷寒苦先士
卒豈顧三尺霏纒紛羊山雪後初聞捷今復濟州逢大雪定當
夜斫拾奴營蠹爾盡沙俱掃絕料得鍬衣深耐寒力衝玉馬塵
金鞍來朝痛飲獻功酒踏雪醉歌諸將歡

躬取齋詩鈔

後編卷

十 越峴山館琴



金鑄味神... 野齋... 卒豈... 初... 天... 小吳... 詩... 叢書集成

躬恥齋詩鈔後編卷二

辛酉

濟州雜詩二十首 辛酉正月作

風帝開天處雲炮補石時畏神瞻赫濯藏魄望迷離苗裔須向
勳英靈頌洞奇莫窮皇古跡荒野莽哀思

達人天植厚洙泗匯西東松挹宮牆碧杏攀壇宇紅一原通聖
水萬古養春風聞道于茲近來遊若發蒙

禮樂從周峻經師溯漢退公牟專詰藝長騎采詩葩 謂何休魯峻
古

茂青編業今荒墨守家訪遺何落落寂寞聖人涯
略贊圖經字苟摻金石言樵碑珍漢隸踐土識周原狀駭龍蛇

謂武梁壁祠畫像神欽犧象尊平生縱遊日餘地更何論
斗大一東州曾經李杜儔清風灑池館皓月挂岑樓河泐波無

躬恥齋詩鈔

後編卷二

一 越峴山館琴

醇修名父子正學少時成 方遜學先生 易世荒壇圯 正學書院已失 思賢證

主盟圖形傳孔里舍菜奠商楹遺緒須扶植悠悠待後生

夙昔侍

皇居簪毫殿閣餘心長依 日月夢尙步 延除泛海尋初

地浮雲戀太虛况聞 行狩遠斯夕望 鑿輿

陡然開地險經畫舊川涂雁翅環郭郭牛頭轉輶轡 牛頭河之水以芒生

廡爲波難飛一葦流竟斷三壺智運金湯策新隄合號盧 揜子出寇號打糧

攘竊三家起椎埋七國多打糧驅老弱徧地動干戈

螳臂紛無數蝟毛愁奈何合需天上將一鼓盪羣魔

昌議比庭堅高風似仲連得人能恤瘼濟物共扶顛扶纜心皆

奮千城氣獨全愧余空獲落袖手更無拳

誰掃中原寇端資異姓王衝寒開虎幄擁雪練龍驤均食乾餼

冷深憐凍馬僵寂難良將帥甘苦共人嘗

毫眾頑難化任城警屢聞嚴防秋夜火淨洗雪天氣前九月事
網已開三面禽當獨萬羣待清曉南北直下靖江濱後十一月

江海修蛇梗汀洲客雁號思歸在何日談道與吾曹氣欲騰長
劍心常繫小舸魚山儘延企安及越臺高

九龍謂白龍灣功初定鯤身望正遙不須嗟苦葉時敘仰丹霄

不意連冬雪瀟颯滿寓廬庭看數尺積書照半牀虛息影閒尤
靜千人懶更疏舊為僵臥賦今復夢遺遺

舊時山水心久與瀟湘深節志入文字移陰增樹林微根難割
捨贖草費商樹晚業求新得惟將道味尋文志補完乃專事體味錄

塗抹三千首歌吟五十春繁蕪刪不盡爛熟味猶新聽雨家庭
學行年雲水身浪傳綠底事吹向沛河濱一說青藜書

素食常茹草齋心老閉關丈筵遲冷友斗室儼空山神解清明
躬恥齋詩鈔後編卷二越峴山館棗

出新詩夢覺還此中真自得俛仰極寬閒

教子先教母殷勤教授經頓輕三婦繡共課一鐙青藜藿甘陳
饋蘭荃喜滿庭小牕風月夕書韻寂堪聽

新植墻陰竹分從鍊塔僧護枝親撥雪培土早開冰安得一班
筍為添三徑朋無慚伯通庶清節助凌兢

餘意未盡復成十首三十首各自為韻

三百靈泉穴同源出岱宗地中多涌醴州城外築壕清華河南與隆屯皆門東皆平地
出天半每懸深延就亭陰古徂來柏翠濃登樓一眺望煙樹覽

重重老去尚栖栖驚心為鼓輦衰年愁葉馬深夜愧聞雞人境遭窮
狹天光積霽低無方逃六合何計餌丹萸

欲假詩仙筆橫舒草聖懷寒猶孟東野暇作李西涯迫促濡殘
墨縱橫落古欽坐消閒歲月在此亦為佳

累重塵緣薄心殷道力微秋光徹上下夜氣葆幾希不辯空骨碎何思邈欲飛胡能息憂患泰宇少危機

垂翼托林巢多資道義交分貽長物簞籍濟不才飽照我鏡穿壁隨人月就回勿憂縣罄室千里任拳茭謂曉亭又文諸君

西鄰有風謔假館合岑苔屋相清華氣庭多嘉樹栽若榴聯赫施杖杜聚瓊瑰榆綠茱丹畔春秋賞幾回此尤感匯庭翁

不謂泉流齒何妨雪滿髯貧常忘淡泊老始學沈潛樂與同羣少憂深律已嚴迂才苦無濟蕭瑟病江淹

各理固宏耽多求亦近貪得心涵古淡味道遜餘甘氣爲風雲餐神從雪月夢源頭尋悟後應不恣深探

羈愁詩國裡日夕望千岩少縮壺公地重磨杜老鏡藏身舊黃卷戢影故青衫早洗三江甲悠然駛布帆

溪隱羨漁叟春深坐草窗風簷千帙展霜曉一鐘撞望拔萑符躬恥齋詩鈔

後編卷三

三 越峴山館

藪客安秭秭邦貞元復嘉會還我鹿門龐

袁希叔記清蒼深重上接杜陵曷勝欽服惟前第十首恐不足當推獎請刪之以免詩史之累

題先正姚憂庵尙書與其夫人遺詩後冊爲次公子息園所藏傳之來孫玉堦者也

香山澳上謫居愁閩海舟中體 國憂豪傑早空人我相謂釋

通吏英靈長炯古今秋效顰偏有東鄰妬獨立誰堪北地儔公旗籍入官蕉萃姬姜同一夢尙留仙曲散蓬洲東鄰者施氏也

寒食得雨志喜

半夜起看星滿天曉來雨霏寒食煙應時正欲種梁疏洗沴當可銷戈鋌吟廬坐久有清氣渴井汲新思活泉催動棠花甍竹

葉眼前潤澤已油然

訂頌

頑石難點頭老僧空說法尺道生丈魔骨疽累膚髮毒莖連甘

芝根蔓何支離護甘莫化毒安得無
艾夷儒師素耐煩仙人慣
忍辱欲除一切苦無心聽歌哭

寇退後慰花

四年深負海棠春
况更煙氛採鞠塵
滿屋花飛風鶴靜
吟巢暫得暢閒身

花開祇自門妍芳
花落才聞有淡香
消盡千紅鏡一白
麗人垂

老亦清涼

落花卽景

兒童拾花片乃將小車送却恐被風吹
纖絲莫輕控

花謝蝶先歸花飄疑蝶飛
文章不自惜驀地散天衣

寄懷陸年翁鯤溟

太行西望塞雲連
累月音聞雁足邊
梅驛傳詩千里外
薊門話

雨七年前二句先書檣帖
羨君樂隱清涼境
念我愁居懊惱天一
儘喜

躬恥齋詩鈔

後編卷三

四 越峴山館

神煩解愠倘收兵
氣攬祥煙

題愛日圖爲起山

愛日可思紹賢輔
愛日以學希聖師
自有九春在懷抱
還將三

省勵修爲尋常布
帛難均暖方寸
暉陰刃浪移願子
沖和養仁

壽黃鐘赤羽樂旄期

元作養三寶

年家子趙玉甫

惟崑

以香影廬讀書圖請題爲書長古

少日書窗仿梅樹
攀華擷實紛無數
山房蕭颯梅漸枯
頭白歸

來空道故夙慕
趙家香影廬
乃在壺公高隱區
王孫儒門我世

執羨多快讀
花間書老蒼
幾輩傷凋榘
貽餉兒曹香一屋
風簷

雪幌抱遺經
坐對癯仙屢
開落蔦地煙氛
積入江浮家湖海
離

鄉邦側身回
望古楸影悵
莫能卽愁滿腔
近聞章旴已清肅
料

得吟窩行可
復宦成重樂
故園春更就
花陰千徧讀
充余神夢

在孤山何日
容柄松崔間
彌向君圖動
歸思相期同
泛淥波還

乙卯年在京夢屋東南
樓花盛開大似孤山也

州城街巷喚賣梅槐即俗云爲頌一絕

花風吹盡放梅槐
絢染詩城喚幾回
酒露錫霜多擷取
香名常

到口邊來

慘紫苞留劫火餘
花同幸草喜猶舒
時寇過花園
多被蹂躪賣花人得昂

聲價真比瓊瑰一樣如

題孔五年弟東齋昭慰扇頭畫果

玉井喜牽十丈藕
瑤臺並擷三華芝
聰明願養神仙福
鼎裏丹

砂熟未遲十平讀三去讀

赤苞瑤玉紫垂珠
堪抵江南橘柚無
仙露天漿冷不盡
餘甘同

醉水晶壺

君謨最愛水林檎
變態頻嬰入想深
一劍批把比龍眼
閩中佳

果繫君心君昔隨兄遊閩

躬恥齋詩鈔

後編卷二

五 越峴山館葉

艾弟蓮兄其一
鄉凌波遙曳水雲涼
鑑湖乞得秋風便
清味還

睿次第嘗

初夏輕陰

蠶已將成
蘭人猶未脫
絳餘疎疎開
做了猶似養花天

久欲助有涉土城之役
聞工費尙缺
或以半年講脩移畀之詩
以述意

居鄉值勸分
傾家出千貫
還京請助振
踐言竭輸灌
見義忍弗
爲惻然
赴時難
自游涸轍區
井耐無波瀾
空存推解懷
安救飢

溺患適擴城
與隍設險誠
良祿垂成
告資缺曷以完
守扞衷予
心豈安劍肉痛何憚
一羶擁漁山
虛館羞素粲
挹彼姑汪茲稍

爲畚捐贊
迹笑愚公
愚境忘漫士
漫土星余
托命星家言余
立命胃土到

處畫泥漫言
墉益纖塵力
薄顏已汗
非敢蹈伐旅
聊自慰閒散

喜家人蠶事初成

桑土九州先蠶功一室專青紅兒女志黃白親絲綠試得前人
緒能教中嬾賢山房遺籓遠思觸舊纏絲

咏夾竹桃 李四郎所惠

竹外桃花雅耐看况教桃桃葉效檀欒分將台岳春風豔酒入湘
江夏雨寒紗障濃雲舒爛漫書牕長日對平安西鄰却認花間

柳此細呼比似山陰道上觀 間林楊柳間林桃舊時山陰春景如此

姪能選以貧爲滬上散丞示以志惜

猶子通三族 兄弟之子三黨皆可謂族子 貽經望一名 前科薦而不中遭亂竟駁學 奈因

求祿急頓使棄書輕苦海隨漂泊塵寰少潔清如何守方寸舍

垢餐光明 松文清常以此語爲印章

代家言二首示湘源及彭孫定孫 初伏日

嬾健能支根頰巧能調羹要非杼柚空可供饘粥香頻年苦阻

兵之江遠難杭安得傾瓶疊潤吾枯槁鄉每欲寓尺書輒先痛

躬耶齋詩鈔

後編卷三

六 越峴山館菜

寸腸莫釋老稚憂千里徒悵望前賴逸少孫假我五十強何時

海中金栢水抵坳堂半歲不遑繼五夜仰屋梁

三善得人師兩孫從其後 謂蓮信 定能化痴頑講習多聽受祖庭

有遺經世澤流行久勿負洛誦名居業務勤守涉上三種子長

者學初授 上 來年倘獲歸一塾同啓牖晚福賴此耳差勝長物

有兒曹各勉旃努力慰貽肴

季夏廿一日爲六一先生稱壽來壽之客三人袁希未童起山

陳蘭士也紀三律以東三君

覽揆重逢六一辰歐齋嘉會又翻新頭庚賞雨開春醞 是日背

甲凌霜仰壽身 管公明謂背有三甲乃壽 魯園三朋欣得耦商山四皓老彌

親關心望續歸田錄同戴 堯天作幸民

頻沓京苑禮真容每約賓僚賦景從置酒彈琴清福備寒芹擷

藻古香供撫神近取滄浪本 王耐香臨滄浪亭石刻像 望道如追穎洛蹤儻

可無窮託千載弱枝長附嶺巔松

學無門戶仕無朋獨立蒼茫意不勝鷗夢遠浮河兩戒蓮壺深
滴月重窳時正年如流水須歸壑境比寒蟲尚話冰道德文章
都莫及漫誇閱世過廬陵

辛香改薩歸琴

年第陸鯤溟以長古自晉寄祝依韻荅之

心源地六從天一海上扶桑榮未月木重枝葉老于未語本說文月日偶同

三鬢仙非關重望睎華密三鬢見醇翁像宸翰歐陽子因文見道廊

廟山林俱大好力除文弊繼馬韓手振儒風抑莊老辰也未學

粗成章但有古心無俗腸嗟乎追趨昔賢後猶仰百仞持尋常

清波久挹西江水秉性略同恒慕喜當時尙覺愧蘇黃薄植何

能過桃李瑤華忽自雲中來逾情揚詡期兼該展施已慙吏事

先生雅進時

射恥齋詩鈔

後編卷一

七 越峴山館瑛

毋攸繫閒地空隨漫浪生狂瀾絕少舟航計致君澤民兩無術

徒偕鷗鷺浮家室時難繫壤斲舒眉志欲巢松長抱膝鐵杖未

摺台背身匡牀自養靈臺神運期深盼上元日栖遯遠希皇古

春剩草零編任腐朽寸耕惟恃天田厚逃隱誰招詩酒儔著述

敢齊金石壽感君俊句辱敷陳千里披懷見性真儻許采芝台

蕩去還須林下白頭人

咏莪前輩別久書來有詩稱壽次韻寄荅卽以志祝

山人舟等泥中曳長者車會夢裏停客歲一夕夢宿德喜同司

馬相鄉心愁讀種魚經時五湖三愧先四五隨風候八風皆四

更莫尚三千碩果齡早晚乾坤待旋轉海波不動帖浮萍

疊前韻再荅一首

詩國僅爲閒事業流年不覺漫消停手無柯柄難紆策家有童
蒙自授經寒井泉徒資古汲石田米且養頽齡感公洛社懷知

舊憐及江湖飼鶴萍

憶舊復疊前韵

夜儻簪豪疇昔遼秋垣封事幾年停風雲已到天涯落殿閣猶
從夢裏經常聳吟肩成浩唱幸留蠹齒衍餘齡坐深礪石消殘
劫吹轉江東一葉萍

南瓜餅 中元節作

聖齋堂

細壺屑藕舊會耽和餅濡瓜又采南菘熟爛蒸同玉蕓薦時清

供仿孟蘭初收秋色三分老共享田家一味甘未得歸鄉鄉意
在何當學圃種摩藍

僮拾鴉銜棗一枝書意

李咽蟬食餘棗拾鴉銜落一般非想外信天良不惡取之豈傷
廉受者未為薄究趁小物遺得毋大造覺何如更弗顧淩然隨
漠漠纖微何足爭心空乃至樂

躬恥齋詩鈔

後編卷二

八 越峴山館琴

王省三言春暮黃州之難岐亭獲免豈非賢豪英爽使然耶聞
而志之

三月黃州寇在門煙氛獨遠杏花邨

在岐亭

英風

謂季常與今迪庵清德

應呵護況有安麻穀士魂

題孟兩山翰博所藏阮文達公乾隆甲寅宿第中詩追步元韵

二千餘輿輶車至七十幾年時序環

前甲寅迄今七十有七

會詣機堂堂

斷趨北里

亞聖故里在舊郟邑之北

更從桐嶂望東山漢廷拜傳遺經肅魯

邑承師往蹟闕

述聖講堂在郟邑

曠代淵源遠洵湖詩痕苔漬古賢關

文達詩刻

阮文達原作

霸王代謝百年間夫子風塵又轍環若使靈臺開晉國豈能

秦石上鄒山遺書賴有郟卿注古廟常餘博士閒今夜斷機

堂外住主人清話做松關

辛酉七月間

龍馭上賓志痛二章恭用

雩祀齋宮

聖製韻

勤政東齋望

楮袍

聖明俯察及秋毫

許陳民隱開雲牖仰感

天心醞雨膏去 國尙追

三接遠拱

宸真隔萬重高忽悲灑水秋風急痛絕西垣舊諫曹

南征諸將勵同袍共射妖星斂白毫聞鼓幾年勞

盱食攀弓

躬恥齋詩鈔

後編卷二

九 越峴山館琴

沒世念

恩膏

遺謨遠備頒金厚

顧命先傳

撫几高十萬鐵衣垂涕望

詔書將下騎兵曹

軍興齋 詔皆
由兵部發遞

哭汀鷺 汀鷺母氏吳在黑圃殉難汀鷺隨亦仰藥以殉

浮家隻鷺石河濱 鷺地驚烽犯黑津 罵寇凜然貞烈母 殉親痛絕孝廉身 追隨泉下啼鵲血

哀恤天邊降 鳳綸難得成 仁光撲學一庭大 節兩完人枕上書感

悲秋搖落候 切怛寂更闌 騷客憂無盡 孤臣淚不乾 民畧成險阻 皆秀民畔亂 天步慮艱難 何日能清肅 襟懷頓一寬

題故人遺植桂樹

玉李在天上 迢迢不可攀 惟有手植桂 尚榮階宇間 移翫分餘

馨 如對老蒼顏 華山三五六 異象看斑斑 頗憐樹陰翼 憔悴栖小山 安得縱之翔 香探青雲端 清象動遐思 能不臨風歎

躬恥齋詩鈔

後編卷二

十 越峴山館琴

十月初九日志頌

珠緯麗重輪 八月朔有合璧聯珠之瑞 清瀾 孟津黃河清 日 渙孟津

詔頒新甲子 本日 御正殿值甲子 登極

緒纘舊壬寅 康熙元年 在壬寅歲 復見

冲齡聖覃敷 薄海春東南 猶帶甲指顧 掃煙塵

夜來雷細雨 日出向晴暉 想見排 鑿仗趨蹌拜

袞衣基開五皇極

尊養

兩慈闈 諸福從

天祐羣情樂 所歸

送童憩山講史還 朝一律

三年沫泗其裴衷獨羨回翔易水臺氣象欣瞻

新月月襟懷待展古雲雷真知利病言應直未艾年華志肯頽
隣我抱經壇寂寞舊巢那得更歸來

送潘生 齋航海南歸

招子東遊眼界舒翩然書記燦琳瑜鉛黃流覽羣經藉阿墨千

交一大夫 先王東阿李濟川 旋又借之即墨 投筆無緣揮楯檄彈冠有興阻崔

苻遙聞海上歸帆急翻愧吾衰未縛桴

謝憩山頰行惠岱頂藁

昔子遊岱顛采石兼汲泉尤能劇靈藥名侶三桮傳頃欲還瀛

洲留贈當離筵蟠根鬱雲氣奇峴色紫元品居芝朮上實開遼

黨先念余服食稀將以益衰年得此庶增健何異逢松佺深情

曷以報慚賦木李篇

躬恥齋詩鈔

後編卷二

士 越峴山館琴

曉覺口占

獨寐高坐出夢鄉匡牀益覺五更涼窗楞明晦移殘月樹影丹

黃著曉霜雞唱廣聽六七作雁聲遙度兩三行靜迎朝氣披衣

坐漸見稀微透曙光

言志

浮雲塵壘豈容貪長日優游頗自耽愛著布衣存太僕慣嘗菜

把有餘甘入山欲結忘言友投老宜居僻世盍征戰未休歸不

得但饒清夢溯江潭

畜一母雞七年許以不殺久矣忽自化為瘞之深坎作二十八

字為讖

人皆欲殺我殊憐相伴書牕已七年抱井呼雛綠已了全軀猶

得飲黃泉

初權蓮河兵備紀事

道因貧去固堪憂人棄何妨我且收長府已空良不俗頽波莫
祇任平流權司筦鑰同虛器偶輟丹鉛理借籌宦海隱然成幻
市豈須蜃氣覽登州

十一月初七日湯鶴樹提刑信至言越鄉淪陷南望大哭亡何
見王吉雲團練素失地之抄痛不能已愴然變食

五百年無征戰處恃有害人天所顧亡吳謂燕常未復通戶爭來奔

越地益招羣盜覩三日無蕭然一夕侵種山守者先死淪井廬

倉卒頓變妖氛天隔江帥撫軍報絕團練使臣章早入練師不

力法獨櫻慘望江鄉空涕泣涕泣兮笏沈陷一郡今逢百羅勞

神想今徒憑河憾敵讎兮誰荷戈盼粗人於江澗期迅掃夫么

膺謂會左二帥

躬恥齋詩鈔

後編卷三

士 越峴山館菜

清鶴移黃梅二盆為伴荒寥歲朝漸放詩以賞之蠟梅宋以前日黃梅

梅從鶴邊來小牕侶清影耐寒經歲晚相對神已靜一含冬心

紆一隨春氣逆古香滿齋室澄心與之永憺如見高士頓令塵

俗屏遙思孤山上氛因猶未醒何時踐前夢萬花樂恬靖觸我

無盡懷明發殊頰頰

憐雪後竹僵葉漸小久之復稿悵然有感

七坡與白妙都城高坐人去竹空留命此杖杜軒菰竹不冝修連年

遭朔雪一凍葉一收故園失平安君子多離憂似知居將移情

弗紆綢繆噓枯曷能生余懷殊悠悠

初得陷中家信知宗祐書笥皆無恙稍紓隱憂

虎啞狼嗥入敝廬孤嫠驚散尚容居准宗幸保松間祔長墳猶

存閣上書神許青瑣還付汝忠義示神籤天憐黃口慰愁余可能殘

暴祛除遠不致無家久歎戲

躬恥齋詩鈔後編卷三

壬戌

閏戴邨壩補隄工謁白翁祠是日卽白老人誕辰適得與祭遂徧禮羣神奉爵以進者八品祀生白文鏡也爲作迎神送神詞
二章 壬戌二月二十八日

湯湯汶水靈鍾白翁南旺分流戴邨造攻蕪心香瞻古容降生朝誠意通酌清醕今致敬恭見雲仍今懷祖風望神力兮助成
土功

紛羣神兮裔裔值嘉會今來萃保我民兮護茲地禦狂瀾兮貽
美利成效順兮平巖嶼靈在還今朝夕至望泉渟兮風息助三
工兮福百世

南城子 邨名

東汶多爲壑南城獨號邨一年三禦暴十室九無門 邨民隴戶多被毀

躬恥齋詩鈔

後編卷三

一 越峴山館琴

剝盡茅龍尾燒殘梅冶根劇憐安輯後纔得定驚魂

宿南城邨舍

邨巷藏衡宇入門見清曠蒼松鬣殊修丹蔕苞未放 木勺蔕數叢在階下

珞珞堆小石小有圍林狀往歲遭不虞動植鬱難暢陽春復和

氣始覺生機益于焉客宿宿聊亦愜幽尙

三月朔汶上曉發輿中卽景

輕陰如罨畫朝氣澹平疇未見翔風燕初聞喚雨鳩柳眉舒昨

夜麥意望今秋殊憶崇蘭徑煙塵祲莫脩

三月六日遙壽 夏先后敬賦 在河南岸廟中行禮

八載違 陵廟三春拜 晁旒齋臺淪毒霧鄉國麤深憂典闕

無文秩 春秋祀禮河上未議增 神蒙有沛床清香焚一瓣古月印千漚

菲飲泉猶竭祇承璧未投相功成石塢 謂戴 望澤溥柔疇尤祝

鬢髦熄遙占蠶郭收寸忱睎上格聊獻越人謳

青華洞讀 國初朱尙書之錫 碑記時方葺 孚佑宮綠垣貼

孫鍊師一律

當代王封舊尚書遺文鄭重煥仙居九天霄堦遙瞻仰百丈宮
墻乍掃除卽望垂雲生薺麥還當引水種荷渠醫神後裔猶傳
道賴汝經營護紫虛

玉露禪林尋僧說塵設語留余詩集時院中花事已闌僧以花
瓣入饌爲一詩貽之

曉出乘清暇訪道還尋禪釋子頗知詩投余什三千聊以度精
舍且與侶梵編靜慧曼心齋半日忘塵緣採英供伊蒲玉蘭芳
可餐菜花方有臺爛蒸逾珍鮮足飮淡泊人品在芝菌先齋餘
小倘半信步花竹間鐘魚寂不聞林鳥亦無喧但攜清趣歸吟
弄彌灑然

清明遙拜先塋是夕風雨交作耿耿不寐起而書懷

躬恥齋詩鈔

後編卷三

二 越峴山館葺

寇氛半歲擾粉榆墟墓人煙困阱罟善氣未能消黑劫悲情無
限望黃墟山河遠道心長繫風雨清宵淚暗枯早晚雄師收大
越將星東指發威弧

寓舍甘棠復華而作

自舍甘棠下五年看此華小窗愛風日虛室映雲霞廡與春同
借情隨景共賒行當相別去惆悵欲移家 時將進廡

廡中種柏

翠柏試移栽外臺如內臺聯行森榮戟直節挺條枝尙趁春餘
長聊從雨後培何年成青蔭敢擬寇公來

夢在大桃樹下葉覆庭宇皆滿覺而紀之

綠雲如蓋遮廣庭非蕉非松非古藤乃是天桃葉茂生蒼實初
結纍纍成羣兒攀摘猶徠升或以獻余意甚誠元都綏山遊未
會斯植想像疑仙京醒來齒頰含餘清何修忽爾逢佳徵

農壇卽事 十七日

農皇稽相萬千年肇舉春祠洙泗邊愧以水官爲祭主叨隨田
畷秉犁鞭九推何恤犍沾土一粒咸祈澤降天欲聽禾詞未終
闕回車深戀隴頭煙

十九日雨

望益麥疇潤喜逢桃雨霏羣山吐靈澤四野湛生機但覺雲天
密何愁湖水微硯田滋液近應亦粲芬菲

哭羅田陳九香丈及其子凝甫舍人

靈芝萎嚴霜老松摧淒風遭一已至慘忍使災青重巖羨雪門
緒才雋方雍雍陶蘇契所尙河朔安寓公惜少孫枝長遺斂子
舍空古研將誰傳痛絕頽上翁至臧腹竒邊羅旤真命同莞莞
遺嫻嫻孰周無告窮聞之心骨悲猶冀魂氣逢莫歸石蓉城徒
哀馬殿中愧負三世交涕泗來何從 邊補石與凝甫有連

躬恥齋詩鈔

後編卷三

三 越峴山館栞

哭青田端木桴叔總

讀書得增我家稀況出賢門學紹衣負爾南田招共隱望吾東
魯惜分違正勞講社將書檢 屢至余四賢講社爲檢書笥 偏使山房抱病歸
痛絕經年傳噩耗青田小鶴又孤飛

每歲仁王

茗土山各泣墓門茗溪愁阻獸狂奔煙氛忽動仙城劫風

雨長悲易冢魂 太鶴山人易指藁瘞山中有志未容縣世緒無辜安得叫天
闔哀親弱子憐誰託亂日傷懷老淚吞

哭史氏妹秋丹

九華吹散雪天鐘河朔悽然失女宗

沈匏翁守廣平以河朔女宗屬陸其門 詩剩

一編登正始養孤三子感陳襄尙留惠史彤書管曾受

仁皇紫誥封同輩何堪蕭槭盡寡兄慚比後凋松

次和沈拙安丈澄碧堂卽事韻

扇子湖頭舊鷗七峯駐馬柳絲絲

文由江左督糧至京宸園屢見 廿餘年

後思陳迹曾見青蓮白接籬

轉粟家風旌節門哲嗣友竹又養堂行樂柘桑邨濂溪賦拙怡

光霽眼界初舒道德園替糧山左

次和拙安丈課圃四絕句韵

頃刻猶能引蔓開飛仙雅愛入山栽從今手藝須彌種差勝南

臺與北萊種瓜

宵寫松形並竹形光含農丈斗南星願翁多種恆春樹廣蔭人

間仰福庭種樹

舊遊香海已忘年儘買春風不計錢養得冲和無限福百花都

蘊有情天種花

貓頭鮮見遇羊奚鴨脚多教長蝶畦清祿幽人誰領取涪疇風

味試重題種菜蝶未安或作龍讀如壠

和拙安丈有聞杭州失陷之作賦呈一律

躬恥齋詩鈔

後編卷三

四 越峴山館乘

江上青山待使君關心尤是四明雲丈祖貫姚江未衣舊里韓公錦

欲紹澄湖白傳文吳越烽煙勞盡念魯齊遊咏羨庭聞何妨更

兆碯溪夢八十還朝更建勳

藩帥令會河營訓練紀事

素未諳韜略何能訓蹶張指麾借文士保衛奉賢王窮伍多飢

色先籌望裏糧時一年六月不發餉暫時分餅鋪或可勵顏行

次和王衛杉喜雨野望韵

網緝方習誦雷雨已遙聞時屬州長用純先生求雨法令童子演易湖長幾分水峯

連一片雲殘香花淨沐倒影樹微曛欲策春郊馬吟邊同所欣

賦得千門萬戶皆春聲得鶯字

欲聞農甸扈如聽建章鶯千萬春門地尋常曉樹聲頌謳臚比

戶韶淑布層城

殿閣

恩無極郊原感有情蒼黔同豫順紅紫徧蒙榮

天與民聰洽時教里耳清眾皆躋壽豈誰不賦嚶鳴

大福周寰宇心咸仰

聖明

易林云千門萬戶大福所居

是題作者多錯陳美景竊以爲言之務華而失其本也故獨就質處言之

重四日雨後用韋蘇州雨中郡齋燕集韵

榆柳靄深綠芍葯滋餘香乍沃連朝雨尙展殘春涼吏慵掩塵

蹟客稀坐虛堂靜思救麥喜早占茆蔀康觸物盡可遣時多憺小迂憺

心相與忘澗萋友分餉東莽貽萋蒿地菓童爭嘗咸蒙無私澤欣賦

有滄章却望霽宇開將爲新隄翔日內當再往戴村勸工桃鄉行跋跋汶

流東洋洋庶臻水土平不異枝體疆

立夏後二日再至南城宿韓氏松軒

聞說松山近停車頗見松巖然獨立正宛具千年容偃蓋小軒

躬恥齋詩鈔

後編卷三

五 越峴山館棗

滿糝花低帽逢祇憐越臺頂誰與護蒼龍糝一作亞

驗戴字補隄工與鮑壽崧吳竹侯坐石壩上談久之仍循隄而

還敷陳爲句以貽鮑吳

孝壺持鐵來隄顛錐深水飽鑽珠堅方知靳陸法不謬小試功

苦心確然治事得人真不易鮑叔肫佐吳季雨晴共喜將垂

成百丈大防收地勢班荆石上從容談瓊瓏碎亂紛難堪灰漿

三合議未決何如易石施洞涵是時風定波流靜皺不成波漾

漁艇心香方祝秋伏恬保此長虹无駭青百年至計同斟商省

功更待來周郎欲書羣力告程課先紀餘快登奚囊

哭李品山表仲

鐵忠烈公之後

鐵李家聲天下稀望君仕隱寄傳衣清才久盼翔鸞舉末疾偏

教化崔飛嗜我詩文解甘苦與人情性少乖違空聞海上稱遺

愛深愴單門歎式微

題鳩茲許耕餘小像李笏堂爲其子文海請也

市隱不廢詩豈因小遁戒任俠不違道詎染頹風沈汝南許子
將遺裔寄江介江湖幾游歷豪興動天籟結交大小山扶輪並
承蓋述翁與佚叟謂王蘭泉黃左田兩公題品邁派輩中壽致足惜餘芬
齒爭挂有子寶篇什采布顯光怪音容渺難接鬢眉幸存畫徵
咏見孝思象賢已耆艾力葆先澤詒能脫氛褻外抱書羈泗上
讀者盡知愛却因鄒魯儒屬余紕其槩爲瞻古顏色欲蕪瓣香
拜仙靈倘可招雲中定歆愜

題王海門先生可竹軒集

久爲賢相賓晚作聖鄉長研京三殿儲獻賦五臺上詞稱館
閣諳學探鄉嬛廣不羞隱風塵却喜近修講孝經崇教源仁心
務善養時方尙刻急官多味直枉闇然獨紆徐論罷豈非罔羈
栖鵲山隈詠歌忘悵快攜兒習韻事雅與蘇陸仿厚澤深留詒
躬恥齋詩鈔

後編卷三

六 越峴山館菜

遺文蘊音響阿鴻頗克肖汲古求梗莽抱書志承先薄仕亦澹
蕩冀親早傳世有目共欣賞燉人伊可懷悲吁邈追想

王靜生女史

貞年

以畫棧壽親爲棧壽圖若翁子梅屬題

虬龍盤鬱玉爲莠絕世聰明出大家姑願進親年益風節寫棧

如作介眉圖

冰雪才經五十春要從盤錯礪精神喜看見女多才藝定合移

家隱玉真

哭高年弟逸凡卒葬房山

學能知性治安民洒落天懷薄世塵志撰黃圖遊未徧道參元

秘願歸真房山小隱聞驂雀棠鄂孫枝當毓麟以從子鴻之子爲孫恒化

定無緣戀累浮雲愧繫後凋身

哭姚雅山

葆恬

仲淺水曹

幾輩衙官屈宋才何堪老幹遽驚摧水門索句迴翔久病榻遺

緘賞滂開舊侶相招化雲鶴衰顏難得駐梨船子衿凋喪音誰
嗣空億吟魂不復來

挽朱敬堂前輩

嶠

每見滇南出正人尹錢劉李導前津殿中折檻留名裔天上扶
危仗蓋臣樹介信徵賢達命星災憂絕老成身北風吹到銜哀
雁遙慟西州淚泣巾

尹閻學壯圖錢侍御禮劉司馬大紳李梟
使文耕 初春樹有介

咏檳榔扇

蒲葵莞竹競搖風初見檳榔別樣工稟性自能消滯鬱編材亦
足示疏通故人已去青冥表

謂孔雲
崔同年

長物會貽碧海東

扇係雲
崔弟東

庵所分脫銷夏從今增雅詠籜冠蕙帶庶相同

挽張詩船前輩

神河

文敏空鍾洛誦孫淹逼猶有祖風存耽詩指擿仍無恙垂莫翻
躑轉愛

恩掌故豈堪傷老鳳登壇誰與領羣鵲慈仁一

躬恥齋詩鈔

後編卷三

七 越峴山館琴

別成千古空弔蓉天索句魂

余出京時君與少崔餞于慈仁寺

齋居偶作

正誼書堂切問齋此間尚友幾同儕

張孝先先生
陸明夫先生

小栽花木

有生意大隱風塵無俗懷獨學未能存養熟順時但望雨姓佳
匏生苦葉何堪濟任與浮雲逝水偕

柳初和余齋居詩甚相契合因復次前均以抒意得二首却寄
雪點虛明陋巷齋間來惟樂善人儕化工變態多新劇性地回
看得古懷世亂愈知安處福身忙尤念靜時佳青天白日長如
此豈獨空山物可偕

長年如學太常齋戢翼真同老鶴倚神與冰壺通夢寐道從月
窟暢襟懷窮魔八面空相擾瘦影三毫澹亦佳靜裡但聞君子
咲晨風夜雨任吾偕

王生寄園

伯樞

以漁洋山人扇股跋扇題爲書二絕句

邢張贖蹟付蟬魚扇股猶存蠶尾書却落烏衣宗彥手竹痕青
汗尚蕭疏

大箬猶如前代製清風曾爲昔賢揮竹牕快雨初晴後想見鷺
池筆欲飛

躬恥齋詩鈔

後編卷三

八 越峴山館琴

康熙四十二年四月十四年

賜分巡濟甯道張伯行宋基業

宸翰石刻道署東南隅為三碑舊本有亭亭圮石沒於土同治

元年始滌土而登甄以敬護之墨塌尙完好閏秋四日恭

和

天章一七絕一五絕元韵一臨米芾詩七絕韻

開國根基自勝殘

恩垂秋露不知寒 重熙又見

冲齡聖 上理中興引領看 右

賜基業韻

野虎皆竄奔河牛弗憂喘 指前月東境 僧王剽賊事 今日

福東州追感

皇仁遠

右 賜伯行韻

天章會勞使臣詩 寶墨猶撫海岳辭想見

躬恥齋詩鈔

後編卷三

九越峴山館琴

親賢仁澤遠

恩風長拂萬年枝

右 賜伯行臨米詩韻

竹舫之竹連見筍喜而賦之

莫傷搖落節美竹尙回春竹以八月爲小春入夜潛萌筍來朝輒解

筠不煩雷震拆自靄露華新善葆天和性清秋遠出塵秋竹筍生或夕

或曉忽然見之未幾卽長第莖多細耳

題瑞蕙圖爲宋氏作

本名九節蕙宜放九英華蔚然正陽氣噓吸碧霄霞 家傳好

善名物感芳韶意門庭無限春醞釀和平瑞 枝寫三湘春題

重千秋人謂白下湯侯二君皆死節者雲中西仙外誰許軼凡塵

林生之灝以看劍引杯圖請題已逾年矣檢得其紙書四十字

目擊麾戈久心期帶劍雄浩然天地外酌彼聖賢中莫學一人

敵何愁盃酒空澄清儻可俟把卷且臨風

賦墨牡丹

墨胎清聖人何嘗不富貴一枝自天成高出姚魏外

躬恥齋詩鈔

後編卷三

十越峴山館琴

奕葉布元德繁華放虛白吾知道人心洗出冰月魄

題戴石道人自寫行乞真

此山李高士

名端本

自圖今若此石公將無同傲世聊復爾

不屑受不潔一簞猶萬鍾扶身青竹竿如抱滄江龍

帶索行欣期橡栗供桎叔須知窮亦榮無求天自足

懷萊陽姜如農先生有私傳先生識詩

屈軼雙枝東海英端由圖緯習康成孤臣老得知天學故國追

懷憶舊情元運蒼茫先燭照貞符祕幾著營不期造化難全

測莫道通神到至誠

夜聞雨聲深爲養齋子憂之口占一絕 九月二十一日風興作

竹窗一夜滴蕭騷明日良朋葬北郊馬鬣新防愁未固雨中不

斷孝烏號

晨興雨霽憂心頓舒又占一絕

密雨才停曙色開
天光爲照善人來
素車白馬爭相送
猶恐薄沱溼夜臺

挽常熟翁文端公

公名心存字二銘號邃庵

高弟師門敢比肩

初於王文簡師門一覲面相知直到痛蕭然謂湯文端公

文端表次接不苛言路因聞善常抱公心想進賢論道早推名

昭得聞正論輔望夏時頓促後凋年二希風度今重見惜不多留佐蕩平

杜生衡周生宗濂皆死難詩以哭之

詩巢老孫杜與周王劉社裏朱陳儔青霞元趾完節後又見吾
黨烈士同千秋念乃祖父犖犖非凡流常命爾曹從余游論交
已三世先德歸九幽誰知大越城中玉石一時碎兩生挺身扞
賊傷戈矛或云半死身向城河投凜然正氣凌斗牛攜手直到
碧虛天上頭名家幸讀三不朽九天之上料應破涕爲笑無使
神人羞待看寇平更輯忠義錄一釋浩劫消悲憂

躬恥齋詩鈔

後編卷三

士越峴山館琴

謂分水廟勘永泰永安兩引渠紀事示季毓嶺

松秀

三渠三陡壘收汶如引吭一湮二亦沮蜀山浸淤仰舊聞聾丞
言謂朱元本熟抵掌斯人條以逝遺論等談往今因二帥謨籍

水拒戎莽忙生吸納早戴村宣蕃廣尤貴導歸湖亟宜濬溝港

賴吾年家子荷鍤率夫長樽節工不浮羣力奮爭上旬日告厥

事敦余駛輕舫霜晨甫就陸遙望分流榜

南旺分水口

先謝叢祠神

一一禮設像渡津頻問渠頭尾度尋丈涓涓三尺波直達無滯

枉有心在人爲省成喜非同行當籌汶堤更作盈科想與子願

交勉靈源庶有養歸舟信筆書意愜逾勝賞

四更枕上口占

寥漠天難問憂時無限心寒宵惟見月古壁自懸琴絕少幽人
跡空懷騷客音窻前苔竹徑落葉芝深深

賦而兼興

題孫少沂翁清涼洞天待雨圖

攝山與五臺皆有清涼號三原闢古洞別經化工鑿不期泰岱
賢退契託高蹈月窟窮性根靈岩自心造是處得靜坐頓使俗
氛掃泊然抱虛明萬物悉照導宿乎探幽怪羣籟和琴瀑寫圖
萬神理髣髴意已到非由學養深豈能悟奇奧惟安德輝潛乃
復娛嘯傲後塵摩青雲真氣煉丹竈閒時參道書晚景付庭諧
信亞浴沂懷足兼亭峙好中涵觸石功施徧時雨膏入林邀老
蒼愧蒙將及耄幸示無隱機常聆空谷操

和查辛貞留別元均

徒將道命卜尊筵

字典引東方先生以筵撞鐘注小竹非必作草莖也

難得風騷曠典型

一室齋心同託素百年書帶久涵青客中幸共寥天月閒裏應

推處士星薜若相逢遽離別賓鴻軒舉溯遙汀

鶴羽離襟鳳翩翾同排雲長嘯古皇臺南池徙倚宜聞道北海

招邀爲愛才

沈雲巢文招君入幕

遠質匠門千首草先傳驛路一枝椽萬

躬恥齋詩鈔

後編卷三

士 越峴山館琴

律咫尺猶非遠好句須教馬上催

和沈雲巢文憶金陵陶谷之作

陶谷河丞張氏所購卽澄齋之爰也

曩聞舊京好風景千金買宅多佳園久思移家不得遂况選幽

勝居仙山山中老仙曠空谷幾見陸沈沈遭陷辱河上公來斧鑿

新頓使古梅擁華屋吾鄉隱君潘少伯曾與查仙同借宿二客

爲我述勝游雪海花天紛銜目陶歸鑑曲依樵風潘獨繼往栖

四松忽然長江鼓輦動妖氣直薄鍾山龍林阜間人先辟地病

死荒村全節易湯侯兩叟爲其難陪首從容完大義其時瞻園

以下眾林壑毒猷驚烽半銷鏢胄宮陵廟尙難安何論區區小

樓閣拙安逸老舊督糧于茲道故如滄桑高歌當哭意無盡回

首南園增慨曠日望 玉趾盪洗復江郭更容追陪杖履來倚

伴

荒衙

荒衙有曠土坡陁久不治我來闢成園稍稍勸平之吏胥獻卉
木野人送條枚分刻儼序行生意綠漸滋待看二三月通塚饒
繁枝頗思作草堂就樹得其宜聊師竹樓法價廉亦易爲偷閒
當隱屋可以容栖遲

賦綠鄂梅

梅和杏種態層層白靨微醺酒不勝著帶依然存五出散花妙
絕悟三乘素心澹寫仙妹萼屈榦連螭壽客藤來自鶴巢清到
骨書窗坐對比詩朋

挽彭文敬公作

西樞東閣舊趨陪前輩深情睦後來事業遶輪霄漢迴英靈遽
策尾箕回踏公同甲偏先逝杜老愁辛忍獨哀候熟金丹還玉
魄飛身定上紫微臺

得陶定軒滬上書未幾聞創發一夕卒惻然傷之

躬恥齋詩鈔

後編卷三

志越峴山館琴

衛道甘爲執樞雄忘身獨矢杖戈忠奇蹤得脫危鄉出險語驚
傳絕筆通五夜悲歌傷遠盡一時肝膽恨誰同會稽名裔真無
忝浩氣先還潮海東定軒嘗云願爲門牆執樞歲前有滬

題海昌查辛香

冬榮

百泉消夏圖

道光癸未初夏曾手鈔孫徵

浦所寄孫集而讀之心儀其鄉向往無
讀辛香是圖有餘慕焉小雪後七日

心拜夏峯四十秋觀河猶遲百泉游羨君會到嘯臺曠展卷恍
坐幽篁幽移家常慕歲寒氏徵君問學莫如洪水頭安得荷勸
自稱

同託命掃除塵俗當歸依

題辛良雪竇觀瀑圖

平生愧少翰山福顛面名山偏重足南衙東岱西匡廬借過雲
煙空到目舊約入台宕扶杖有端木蹉跎在鄉井悔未勇拔俗
山人復出猿鶴笑坐使囊中失岩谷青鞋尙未造雲門蠟屐何
曾攀雪瀑頃逢辛薌詩伯天際來示我烏峯白厓羅尺幅神宮

仙居不可見但見飛龍半空落寶慶夢尋追莫及大觀圖經猶
可讀雖未得二石梁上望鶴巢九洞天中飫桃粥恍到天開靈
境裏萬年一筆衝霄堦想子昔年能濟勝愿攬勝情快心曲紀
游印迹數十霜逃禪終欲珠林宿何時陸詠猊狒水靖蛟鱷雷
音靜聽天童鐸與子身著布衫赤雙腳踏徧丹霞妙高麓

題炊經酌史開詩集

洛誦家聲遠餘風有嗣音

查氏之先世以詩名

朝華從綺麗老筆轉蒼深

清得山川氣愁多騷雅心天涯話離亂握手欲沾襟

情重常生累交寬每費才繁枝仙桂少高幹古梅開困境休頻

說高歌莫近哀要尋康節樂和氣待春回

羅天鵬將軍鍛刀歌

說文兩刃爲鍛一日鋌

將軍少時飛食肉水底能藏樹頭宿振奇得事忠武公始執干

戈馳楚蜀性情迅疾身超騰赫然自號爲天鵬有刀百鍊露三

躬恥齋詩鈔

後編卷三

古越峴山館棗

刃手提奮擊羣邪驚入山磴猛獸入川斬長鯨神鋒所向盡無
敵戰血幾染蟲沙腥自從忠武歸天上一時猛將多摧喪不見
將軍見寶刀誰與邊疆重決盪愧吾孱弱徒縛雞刀落吾手何
能爲噫吁嘻中原尙未息鼓鼙按刀太息深悲思

二子乘舟賦所感

二子乘舟福海邊不期同命欽悲泉

一作龍泉

泰山超舉鴻毛墜一

竟沈淵一上天

福海通勺泉

憶張秋

漢狐重浮河上歸唐槐頓向火中飛從今蕭颯張秋館大水茫

茫雁影稀

哭張仲達父子

皆肅卒於滬

詞宗經府屬通才久贊戎帷杖策來兵食惜籌臣力竭功名宰

落壯心灰避人蹈海愁無路愛子隨親命極哀遺翰尙留神已

杳空招屈賈望泉臺

哭邵位西弟 枕城二次失陷死難

獨步江東素畏君十年未得再論文別時史略今猶讀亂後音
書久不聞碩學竟能完大節荒天誰更軼凡羣淒然一掬靈修
泪灑向長河溼暮雲 位西送余武林袖史略見貽諸車中可供一覽已九年矣

牧莊書云加斂自浙營以聞父赴假還長沙則珠樵必沒矣為

詩志痛

臥龍頽隕火珠涼尚幸山樵在碧湘有子忽聞披墨經而翁倏
已逝幽堂衡陽雁杳書先斷 春夏以無書 原上鴿哀草久荒 謂鹿竺先葬

骨肉凋零憐我獨騷魂空憶水雲鄉

吳竹如書來言位西之存亡未確特其眷屬為會相收養耳因

次前均反冀其生焉

躬恥齋詩鈔

後編卷三

五 越岷山館琴

天涯誰與送夫君疑已徵修地下文水面衣冠曾未見江頭啼

嘯豈無聞反魂不待驚香祀遯跡應栖離垢羣難得故人憐骨
肉可勝氣詣仰高雲 其眷屬在江北聞曾相卹養之

[Faint bleed-through text from the reverse side of the page, including characters like '躬恥齋', '後編', and '越岷山館']

躬耿齋詩鈔後編卷四

癸亥

重過金鄉其人士多相逆者皆感邑乘之成也別以一絕句

有繙幸復見圖經我友謂李固卿遺徽照汗青愧爾士流歸美意柳

枝爭折短長亭

單父早發

琴散遺音君子堂遶城流水自洋洋見星尚擬追巫馬防漲猶

傳比太行隄名太行殆況其峻宗國餘風嗟已古王孫芳草惜多荒時假朱氏

屋為塢來為效營田使曠土齊耕望歲穰

自單至曹花木甚茂如在桃源杏林中喜而賞之

診氣多消景物蘇千村桃杏擁前途麗同花縣春光滿綉似霞

城錦樣鋪一覽幾將成紫苑羣真何必任元都任他露種無偷

擷丁女應教課萬株

躬耿齋詩鈔

後編卷四

一 越峴山館琴

留別曹邑瀕河人士

何莫非王土黃河尚有灘義當稷岳獻敢任簿書寬慷慨賢思

仲仲氏賢裔未一見深惜之沖和士識韓和合碧長韓西驅車欲東去望魯

屢迴看時錦望魯集

荒村

荒村桃柳自蕪生端識春風不世情笑我空丞好栽植可能春

色滿軒楹

桃緋襯出菜花黃椎髻荆釵傲詭妝解得蒼蒼元一意豈因綉

素異文章

聞即帥獲渠魁張落形等志喜

公弋取彼穴雉頭初就禽壯夫同吐氣頑眾芝驚心願假掃除

手盡舒愁苦襟頗聞漸江上復地有佳音時睦州收復四城已見抄

喜聞官軍收復越郡快然賦之

久聞勁旅渡曹江頓下堅城復越邦寇築重城甚固三道奇兵方並進
九閩殘虜定歸降盡蠲汗濁還明鏡乍息風濤汎畫艘貶食頻
年才破涕喜心翻動似旌幢喜時心爲之動真有此景象

二月三十日雨夜作以志喜

南紀 王師勝東天時雨來令晨逢雨喜懷抱爲重開潤徧芳
郊麥潛生陋室苔稱心同遠近樂北上春臺

書堂曉起 三月十二日

春月皎潔如秋宵夢中細雨偏蕭蕭醒來未雨尙見月曉起輕
陰籠碧寥松針柏戟乍添翠桐幹柳榷齊發條自然詩境天所
予悵無佳峇同道遙

辛丑謁德州董祠有作辱相勗勉愧而荅之

訪友空尋稷下儒于今難得董寬夫濟河派混源誰溯鄒輝妖
興道更孤伐輻未成叨素食執爨無力愧前驅奈何才薄時安
躬恥齋詩鈔

後編卷四

二 越峴山館菜

濟辜負深情望散樗

孫氏店有燕巢茆屋感賦

荒店少柴扉偏來燕子飛良因多過客窺見有光輝獨向窮簷
住非無大廈歸人間誰忘勢應愧物情微

調 至聖林追懷盛德之至時癸亥季春也

泗水出金口洙流貫文津金口有石垠在邑西文津有橋在林南道源浩無涯元

氣包滄淪蜿蜒北岡上森列爲三辰餘若兒孫峯環拱諸賢人
此阜寔天授奄有千萬春當時肩相界亦賴季孟臣黎公羽翼
忠三年尙依親地學固所通人情皆使馴瞻仰 聖靈栖曠古
誰比倫再拜重喟歎不測斯謂神

曲阜孔氏館中白芍藥

白衣疑太素中含少許丹澹然化工心略寫春風闢

見以蘆菴爲桃實者甚肖因賦之

假葵如桃宛可餐恍同新摘上品盤要知實相同虛相莫作神
通狹獐看

竹舫劇筍薦先喜作

簌菸叢竹密行鞭催動雷聲玉筍聯手劇乍借時物供心齋如
飲佛厨鮮家園一味矜新獲藝圃初萌有夙緣獨怪含桃舊朋
侶尙遲呼到棟花前

王小雲表兄文翼八十重游泮冰次其韻賀之

越庠地重宋元前

仁廟文隆豐靖年才擅英華摧陸早居連嵐翠比陶偏

杲朝

教澤生逢

聖幾輩傳薪學尙賢迴記弱齡芹藻咏程蘇曷友讓兄先

世學多稱脩竹林青箱烏帽共心欽舊遊每約三山去深巷常

躬恥齋詩鈔

後編卷四

三 越峴山館琴

頰九曲尋辛使煙塵銷浩劫欣招疇侶積清音來秋我得還初

服願見天香雪鬢簪

春辛香兄寄兩律元韻

每思鄉郡首重回寤寐嘗依越望臺君子六千能復國湖山八

百豈無才嗣留粟王香煙寂屋少松扉日夜開亂後寒家
實鹿如此幸得

朝

天容請急好催葭瑄動寒灰

還我江山願未違逡巡西浙是耶非最憐荒塋耕牛少莫待髦

鬣戰馮肥擊楫中流宜猛進投鞭速波望如飛會看一掃東南

淨吟侶同歸洛社依

有感於大雲爲初月所傷

大雲本劣薄初月甚稀微月喜雲先散雲悲月見違天因蔽虧

隲人比愛憎非纖芥真堪畏無端生殺機

題陳鞠陸太守滋蘭圖有序

舊聞及門沈生鳳巢稱同鄉鞠陸太守君之賢初以爲越籍也今讀其滋蘭圖序始知家構李云令嗣頌萱通守以第三子藏第三圖追述先德請爲題句乃作頌焉

繫古靈脩獨尙臻莖遂以谷馨揚於汀天韡韡陳翁經勲禹元晚節嚙鞠清芬愛蘭嘉植盈庭茂齊燕山早游淮楚習諳水土令聞四傳猶眾香祖晚分以九柯榮於五仁澤所敷河湖斯溥培之藁之春藹階序怡然其衷粹然其容屢爲儀圖以授童蒙三郎得三謹承孝恭陔南之恩久而益崇世其水官承流紹功昔知翁名未及一面今從子舍古貌如見恍游德園粲若芳甸以圖屬題遺徽可緬勉哉頌發華實攸踐力師善人務滋無忝吳小芝以符嵐樵靈耗來告愴然有作 三月

躬恥齋詩鈔

後編卷四

四 越峴山館

遊逆旅抱奇爽小愈歸江淮鄉間苦兵刃數年不相見無由探音訊尙期出岫雲復動公車軻道周尋杖杜駐車必停鞞近著待質疑共證業誰進忽聞吳季言南鴻繫哀信琴散俟以亡騷魂逝何逃悲哉竟終古不使此老愁九命傷斯文芝蘭等墓薤洒淚向遙天歌徒效虞殯

追挽赫舍利藕香同年

特赫訥

杭州陷舉火自焚一家全殉

前身應是火中蓮雪藕偏教烈皎然百鍊英靈剛度劫一門忠節血昇天赤心提出還真宰碧宇高翔會上仙指日臨平收復後西泠廟食到千年

愍周杜二生

周研香丈之孫謙字廉水杜尺莊丈之孫衛字少文

同是名家洛誦孫慘逢急難賦哀原能全大節生無憾爭赴清流道有根書學王劉循祖訓

二生皆從學嚴山預王劉社

偕投江海聚忠魂

一時負痛堪稱者後死從容念史軒

陶慶

拙安文喜查辛貞到德水有詩寄示次韻奉和

展來詩幅似雲囊清氣剛生陋室光
菘圃喜添騷雅侶吟邁正在鷺漚鄉
醞成朋酒開春甕賞趁花時浥水香
未得飛鳧預真牽道源遙溯禹津長

挽諸味青二律

舊約幽栖共學廬

君居東墅自署曰學廬

小樓一榻寓琴書誰知別後遭

多難頓使愁中返太虛高節豈甘長陷溺
夢魂猶見獨容與破

袁尚幸兒孫在保爾清芬復井闕

希賢心契有滇池程譜同修湖洛伊

昆明池菴庭與君修二程年誦

入桂餘馨

關道命

菴庭已祀廣西名宦

孤松殘鬢惜頽隳著書未竟虞卿業
殉道空傳賈傅辭聞說蠹城好收復料應披髮慰噓噓

前年九月白洋潘慧香首殉越城之難
追悼其亾幸吾鄉之得志士也

躬恥齋詩鈔

後編齋

五越峴山館珉

多少衣冠匿草間賴君一死重稽山
丹心激烈無瞻顧黃口生

存切痛痕忍與豺牙含血去何殊
馬革裹尸還成忠第一誰能

及遙望粉榆淚雨潛

慧香在西郭育嬰堂寇至力拒死之所養乳嬰皆得脫

牧鄰病沒於淪陷之鄉挽以一律
蓉坡未逝亦有詩哭之

不忍離先董皆憐孝近愚驚摧子猷
竹愁絕伍胥廬辱未遭凝碧悲同病
陷汗全歸得完節惆悵感吾徒

挽余二鄭

齊

心同諸葛業申韓各重中州積敦槃
雅在朱門若蓬戶常傾熱血酒忠肝
稀年多感暮功盡暮境思歸道路難
神返苧蘿應一

笑同時鄉縣報恬安

君以正月二十四日溘逝先是十日諸暨克復故云

伏日竹萌西茁喜作

大暑日後

竹鞭衙衙行向東三竿特起綠簃叢
又看參差數竿茁頗疑睜相徧青龍
西墻六君覺岑寂一荀忽從枝畔立
分龍時節龍孫

生掉尾西迴更雄直昔記龍山挂有知此君稟靈知更奇今朝
雷雨滿竹舫洗脫龍鱗雲際飛

夢吟悟境

劫裏安生尙有涯清風明月一身隨莫修功行三千果還念經
文十二時相視澹忘天眷屬不凋靜對古鬢眉愧無補救涓塵
事多負高深總自知

甚雨新篁受之不勝直者多屈感而賦之

六月癸巳

挺挺千霄節木不輕屈撓雨甚重霑濡躬躬幾折腰從來大丈
夫深懼恩澤邀特立老巖壑風塵豈望招自重良至難仰瞻龍
門高

疑桐葉

一葉應一月驗自龍門桐向傳聞有羨歸餘存古冬又聞葉應
秋初墜迎涼風時合果可信未秋胡墮空齋中孤榦生數計將

躬恥齋詩鈔

後編卷四

六 越峴山館琴

毋同訝非掛劫年六偶奇偏從天道豈變移何由問化工安得
博物者質疑開我衷

七月四日復得二笥以供朝餐志以小詩爲藩生啟田書扇

士原潛立節竹每暗行鞭不意三庚伏容嘗一味鮮氣清遠塵

俗福儉近人仙瀟洒浮雲裏生機足快然

哭解州判官陸鯤溟年笈

秀才判邊州身負詩書氣山曾筦清涼治又近忠義亦足展所
學學困仕加遠教子似彭澤三珠各森翠訓文兼訓政階庭多
樂地君年未爲老何至慮長逝胡遽撒手行不憚仁民吏荷蓑
文安後近乃傷衰昔白眉賈戎帷柴荆落枚肆豈堪箇連弱使
我頻揮涕遺翰與詩篇從今更誰寄太行東西隔契濶生死異
無由一撫棺酸然感心鼻

同治二年七月甲子與黃都二子約登泰山楊愼齋爲具輿從
且供蔬食極眺覽之樂歸雨花院率成此作

望岱經幾回逡巡不能上頃因水事來奮躍趨塵鞅幸遇東道
主謂楊爲余闢榛莽二友導登陟黃子行都嶺嵐復筍共三兩欣然出

北門朝嵐正清朗石級怯聯步如舟折帆槳又如字波磔斜行

互卑亢翩翻雁翅升爬抄鱗足踴天門度重重雲海進蕩蕩初

看拍排列旋見松偃仰猶存五大夫森峙極英爽飛瀑自空瀉

杳莫計尋丈對崖喬蔭聚翠蓋容倚傍過此罕所植藹草紛可

賞瑤琪昧名物蜂蝶過肝蠻由茲登關道帶礪宛在掌敖來浸

抑遜汶濟遙演滾高瞻碧霞官只尺壇宇廣振衣向千仞焚香

禮真像素王與青帝一一拜天仗始紆肅敬心峭壁讀題胸奔

躡亦孔勞默坐小攝養身居霄漢表語雜元虛講夕陽臨戶牖

星宿逼甌旅胸中頓宏大持存息諸妄惟待扶桑敷流示出溟

躬恥齋詩鈔

後篇卷四

七 越峴山館采

洪高吟天人際意境含萬象靈風若感動大聲震齋幌心祈箕

日靜身超嶽頂搜浴日養雲虛縱目破昏罔陽光漸騰起丹楮

一維敝濛氣微蔽虧全體稍惚恍俄隨曙色下但摸無字瘴瘵

駛儼蜚鳥轉睫已歸徑餘興尙未艾西眺禪榻壞旣參元隱華

更聽泉源放主賓劇談讌斯游可云邕夜來信筆書聊以慰疇

曩草草寄同儕他時記髣髴

下山口占

不經上山難豈知下山快回首石萬重尙望空際拜

追和楊汀鷺聞常州告陷南歸尋親遺詩

君往尋親時急切兼悲親過涉圖移家奮迅憐孤嫗旅聞奉憲

闡遠向崧高雲見危不顧軀至性本素存豈料返梁園寇警猶

鄉邨黑罔舊所館僑廬迹未陳救母慘不遑何恤負罪身大節

同光昭毅魄消煙塵遺章竟成讖孝哉良足珍

二樹童文舊於洛下寫梅寄翁湘聞於山海書夢中一絕都嘯
嵐曩從北平得之癸亥初秋過岱索余題句九月雨霜之始夜
草七古用羅兩峰自題斷霧梅花韻以還嘯嵐

應時涼雨當清霜展圖恰賞羅浮芳誰其寫者我祖執况見瑤

瑁舒金芷嶺探凍開湘竹裂指上圓靈霏古雪會向玉真峯頂

來玉真峯頂好移香霧橫天照寒月想翁万首傳仙韵先生自

梅花万家先生句也三十六宮春有信天地閒人介石交先生嘗與先雷州

首詩又以介石吟到白頭憶元鬢遊梁煙墨濡千缸何異華瑤陳謨

圖胎先祖乃為孔懷作家珍不異琅邪王蓬萊舊侶冰壺冷騰馥

留薰凡夢醒寄詩好比贈柴叟脚氣頭風愈俄頃時嘯仲

九月二十六日嘯嵐不起哭以二律

卅歲論交謙誼聯三秋話別嶽雲邊如何痼疾因愁瘴竟使吟

魂返恨天召在蓉城須賦手飛翔松壑駕胎仙難兄悵到泉臺

躬恥齋詩鈔後編卷八 越峴山館棗

見謂同蒿里在岳陰悲風倍颯然

落花梅卷昔賢愁二樹山人前與乃弟句屬我題詩已可憂長

句尙從無恙祝殘香莫為有情留書追斯邈神先古琴斷牙期

淚不收幸得堯夫高義在謂揚孤兒堪護旻卿舟

次和辛香七月二十四日被酒書感韻

牽波摧倒幾由旬成退從來有夙因碧血難消無限劫青山翻

羨不凋身誰原瑕玷猶稱節空惜英靈獨愴神安得至剛能直

餐超然万古作完人

次和辛香薰窗一律

清暇縱難得空齋無所使不逢知已話惟向古人尋時校訂方

集招我山中鶴懷君海上琴綠天深竹裏聊與證初心元作末

字嫌出均改之

歷勘齊東利津神虬屢見民間諱傳是朱大王之靈余為請河

脚入 告因記以詩

黃河東之龍與游揚靈潛訖永宵侯水程直下多變現乾體羣
升相炳彪異物嘗聞賢哲化法身順向海波流行看奇迹達
天闕長使東園蒙神庥

又

鰲抃傳十五龍騰聚十三時齊東言一龍堪教河海畔千古作恢

談

別令春同年

重到縈蒲館清宵話舊殷喜聞心跡好惜別宦游分同讖無多

子華顛尙樂羣白駒從此去回首望高雲

登利津南樓同陳又軒王蘭田眺望

河涉滔滔赴海門城臨重險水波渾隄防甚賴冰夷蕭鎮定遙

承斗極尊眺遠約來千里客穫秋環繞百家邨欣聞北地文光

躬恥齋詩鈔

後編卷四

九越峴山館琴

起仰見星篋倚柴闥

八月十三日固山作

秋霖未有極行役苦沾濡山際煙雲滯泥中僕馬痛下帷幽欲

寐入館徑如塗倘籍笛聲止來朝行得無

菽絮未全收河渠更可憂恐虧端正月悵失朗澄秋孤岫迷暝

景靈岩阻勝游西風當許借開霽望悠悠

自濱州經惠民商河而至濟陽渡老渦口抵歷城途中多間阻

看雨看月景物不同待僕待車情事屢變未及一一爲之辭因

匯而作一詩以志行役之難也 癸亥八月望

瀕海秋陰日西去暝色昏黃桑落樹濱鄉名月掩烏雲雨意生得

雨書張丈映蛟書在壁間留空雨處雨裏停車始美堂在武定之書院中汲修古

并劇蒼涼荒齋夜避馴狐迹虛閣朝開服翼翹惠民溝畔多行

潦病涉輿人殊憊恹斜川被廟許商河許商紆折段郵投宿

早後車不至可奈何似昔凍坐窮東阿奉沙藉草亦自在雨間

何處非吾邁曉踏曲隄驚路斷一夕狂濤摧里曠著城蕭瑟慚

舊徒及門俞生宰濟陽甚寒儉野店麻叢隨月遠明朝渦口來尋船船濟蕩

民苦不閒偶乘一葉溯厯下照我涼宵傾蓋賢調程及去誰華

雨復作雲涌山椒溼衣襪新莊泰山支嶺昔胡友秋濤不見招

隱人欲訪靈巖好林壑十五六渡泉流奔出心已近汶水源夕

陽入海起團月金波朗耀江山屯任宿地名齋夫假我坐臥具買餅

作供朝廣寒堂空月大心境闊何知清鐵無肴尊經旬乃從煙

水出聽罷雨聲吟月魄一番跋窳紀長歌厯過諸艱明大澈

題彭暄鳴旭抱和長吟圖查辛貞之友

百泉有高賢金精有遺老自昔太彭後山林志枯槁之子居珂

溪早歲已聞道頗思樂躬耕茹蘆鄰長抱胡爲執符竹奔走中

原道倖才屈百里神駿憐一阜小試淮蔡間政聲已稱好奇氣

躬恥齋詩鈔後編卷四十越峴山館葉

所蟠鬱尙歎知者少忽因端人友心賞及寒藻有圖索題句雅

意問郊島此鄉近梁父狂吟敢草草行當訪嵩洛促膝采芝皓

運期轉上元明德宜自保相勉修心書豈徒約幽討

題王靜生墨牒册

墨竹昔稱吳興管墨牒近見虞山錢守璞不圖閩彥紹名筆喇

川復出王貞年貞年寫梅本家學腕下獨提清氣作橫枝直幹

隨意生意到天成直宰落江嶺思牒三十霜孤山在越九里在越

吾鄉幸於海岱無牒處得賞賢媛畫册香宋畫始間牒入識超

出羣芳自終古宋人墨牒坡公最先後則陳簡齋繼之爲題此册須牒翁玉潤金

鑿誰等伍

次和傅梧生重陽醉歌韵

癸亥立冬前三日

日精今歲稀細碎偏繁敷甕中少浮蟻庭際無懸魚舫叁葢篠

偶一扶小石聊比愚山愚寸陰競與古人語知已但向蒼穹呼

未得乘雲入天都惟有步虛瞻星榆悄然抱影自恬養惜少可
之書易于閉門獨學良太孤色鮮芻豢忘瘠腴忽逢築巖有清
士早因鑿壁賞新書淮西道話古鄉里圯上迥異今時趨愧無
緇衣訂傾蓋莫貽鶴糧分雁租澹真秋水如疎等秋雲餘空齋
靜對已心契焚香掃地塵埃無芷蘭臭味洵不殊漚鷺儔侶同
寒隴間津略告舊途徑證業敢誇積薪芻水曹悵與煙波俱才
非鼇釣技亦非龍屠薦禽誅蹠兩皆緹鹿鹿斯世徒喟吁周孔
勉後瞠方名難前驅紛綸羣籍胡爲乎鞠翦乃類山扶蘇望君
盛年尙摩厲會須飛翼投蓬壺知約王謂葛樓共擊楫一帆南
下猶甌臯深祝三山淨祥雉中興頌詩端許臺豈止瀟洒爲林
逋

潘生數田重游任城居正誼堂數月而歸賦此詩送之時癸亥
立冬次日也

躬心齋詩鈔

後癩卷四

十一 越峴山館琴

蕺山二三子離索八九年東來再負笈獨見潘生賢初爲養親
計業因名法遷亂後復出山家毀求粥餉所性究不存棄學心
難安何如耕道歸守汝舊青氈盍念伏波語志在窮益堅此行
涉河海眼界萬里寬讀書大有進可以追老泉力砥母目明孝
當思裕天勤然祖鐙朗勇足希凌煙更教郝前兒嘉種培芝荃
學成未爲晚立命豈等間臨別重致詞勉修三福田

次和沈拙安丈懲苗劉二寇元均

世多小人儒浸成君子盜泮林有鴉音羣聚逞狙剽或爲不軌
謀或染無生教淮渦屢寘伏潛孽各叫噪豈能爲淵蠹相率騁
山嘯德化旣難感智力尙可到水仿漳流灌火縱陸渾燎賢藩
鼓精銳雷霆寓潤膏三捷露布宣迷聞不時報渠魁次第誅何
物猶敢驚始歸于室耘頓舒百憂覺奉

韶寬膏從開網活倪旄苗莠與宋逋空矜鬼區耀行看盪除盡

家祝武公老局外同志欣喜心欲翻倒時菊台親王已移節西行

挽扎叙仲憲弄閣長

聞說 尼山淚三年尙未乾大宗剛損折謂伯老宿又催殘玉

露朝俱盡金天秋正寒何堪念疇昔琴琴斷泣猗蘭

花落韓公筆香銷顧叟祠不圖中道逝長使故人悲蕭槭憐鷗

社荒寥謝鳳池致經空有願深惜笄室遲君自名讀書之堂日致經

十月十日雪後萬松觀郭道人送矮白菊及花種高齋

不意我與爾無心依萬松松年遠無際日夕迴天風歲寒松不

凋雪深菊猶白此時攜菊來迴與世情別俗尙日精高子獨賦

其短高者霜早欺短則受霜緩既取晚花送又勞花種將行看

春風回一庭滋芬芳今日道者來明當訪道去小橋流水間停

車講松趣

壽胡熙伯六十 長至後二九日作

躬恥齋詩鈔

後編卷四

三 越峴山館菜

簽樞昔朋偕帶水同宦游十年出

丹闕一時皆白頭相欽本舊德交厲崇前修重君敏且仁與我

應復求西掖借翔翥東涉其方舟握杯亥旣逢覽揆甲始周惜

別睹別浦孔懷在懷州袖居近王屋喬齡增海籌頃銷萑苻警

歲樂梁黍秋時沈滄蒙毫皆平豫州汝蔡以南亦漸肅靜河朔暄愛日汝南快安流

積勛待騰翥論資宜炳彪穆行貴有餘晚遇非所憂松柏老愈

正芷蘭久自稠愧以一紀先頌乃百祿適請賦崧高篇聊和封

人謳努力培道基懋哉敷政優

熙伯見貽五言古詩次韵荅和

流水隨浮沈敝舟恐闕漏歷思更事多久困循墻僂會見黃

桃春共趣 紫殿畫風中揚批棟 日下辭領衷樞垣資深夙

同儕幾鷓鴣當制重敷奏羨君擅清才器識本天授元昭用受

去聲雖正字通 他人逞機巧吾子獨溫厚不虞鄙極極自勵勤

有之未敢從

懋懋寡言恆吁嗟直道期補救改習治河書後先若薜蘿職皆
預隄防誼復散執舊相望千里近音傳候人候候同境階均游

平等境各安寒暄結交真老蒼忘年猶穉幼但望膏雨施定苗

嘉樹秀寸田蕪寬廣尺宅稀鱗鰈務爲養之福要在仁者壽朋

觴洽雅頌美製逾文繡襟披霜月暉味嚙霞沉漱填筮比賡諧

坐嘯樂淵富祇祝桑榆恬何妨竹柏瘦上元 景運新消息喜

初透

題吳春海吉士歲寒登岱圖

涼秋登嶽人已稀誰與嚴冬來振衣銅梁吳子獨卓絕凌風履
霜天際飛志堅向往鼓神勇一氣直上層雲梯陰霾頓收海日
涌蒼帝若爲群氛霓古人壯游幾若此後有甘泉前昌黎想其
宵懷自浩蕩俗子豈復能追隨畫圖早擇松壑勝靈秀應攬符
先機願推游情進求道仰企聖域窮攀躋

躬心齋詩鈔

後編卷四

三 越峴山館粟

壽陸費問漁七十

三月壬子作

梧桐涇畔鷗吟侶先友難兄後難弟金梁一晤如舊識別去五
年隔秋水羨君宦海先收帆到岸風波愁可已河濱且寓如桃
源養福南陔欣有子莫春觴咏時最良洛社共尊朋壽齒上元
初甲運會啓七十老人歡喜醉顏東望舊湖山指日征塵洗
千里與君攜手歸去來快聽漁歌煙雨裡

新栽泰山孤松其緘忽放一萼如蘭瓣三出色綠而心紫爲詩

紀之

蘭瓣偏從古鬣成天鍾神秀發殊柴舊聞岱柏曾傳異今見陔
華復寓生獨以同心託幽谷偶然孤幹有清英山人莫漫愁枯

槁晚節餘芳一寸萌

枕上口占六言

疎雨三點兩點昨夜三更五更窗外梧桐竹葉聽來輕重分明

躬恥齋詩鈔後編卷五

甲子

憐南池孤梅

杜公祠畔一株梅獨倚頽垣漫散開會見 六飛邀

睿賞僅留五出歎遺才殘香尙爲南池戀古幹偏從北地栽零

落更看桃杏發

離宮舊植未全摧

丁祭前夕雨甚將旦涼風作雨化爲雪 廟庭拜稽登降如舊

率書一詩

春夜雨不歇侵曉凝爲雪中愁失容雪中堪悚立上丁禮勉
成冠裳小霑溼端由

聖神祐弗使泥涂溺但恐桃李寒多怯瓊瑤屑惜少韶箭鳴吹

轉光風力

躬恥齋詩鈔

後編卷五

一 越峴山館栞

清明夢中見異卉成一律

琪花五色妍長辨亞蘭荃春灑一腔露夢游三鳥煙清明抱貞
杰瑰異散諸天莫問司風使凌虛自燦然

鮑都尉移松自山中來其長已六尺矣就雨種之可望活記之

以詩

松陰道子性好松乞松屢問松山農舊來蟠屈三四盍未能吐
氣成蒼龍鮑子爲我更求取挺立已過五尺童日逢壬水雨前

雨但籍本土輕培壅迨過中央半月戒破盆傳地舒貞容書堂

二柏尙偃蹇得汝好使青雲從殷勤致祝保長活惟願早凌霄

漢重

周破肯 騰虎 卒滬上追思歎惜

最惜清才混濁泥薦徐見沮老依劉論諳鹽鏡未曾用甬有甲
兵空自籌徒倚軍門風景暮消磨劍缺游天秋古來多少虛名

誤長使知交泪不收

來曹州之三子杲池以東洋紙索書為題一絕

忽拈海外研光牋比視晴初碧落天為應詩龕老孫子墨華端

勝陟釐鮮

吳晉王唐林以登太白樓詩見寄次韻和之

推顏采石落蛾眉尚剩任城不盡危采石有太白樓今遭亂莫

汲寒泉浣仙筆尚悲雪藕攪空池旗亭雲散誰沾酒酒樓唐時

市酒處行苑花微罕咏詩樓下見南池蓮亭手摸殘碑留幾許

有旗亭行官亦傾地

二月二日有鄉里來述越城獨蔽山無念喜而賦之

巍巍奴陵火不然明德果足消氛煙頃聞歸存證人社天為大

越扶儒先畏天祠宇猶難免古蔽幾莖遺絕嶺史皇夜泣詩聖

愁名世豐碑逝水流方覺艱貞蒙難處衛道有神留得任戒珠

躬恥齋詩鈔

後編卷五

二越峴山館棊

何幸附青雲千歲賢關依講樹戴山書院與戒珠寺

釐正濟州廟廡祠位增補七賢獨詣安設如制拜稽致恪敬紀

從享巖宮地何容失次多杏壇尤密邇栗王少摩浮序辨東西

錯班匡今昔訛近年增耐室缺典惜蹉跎賴有然黎士謂劉生

考訂勤將積牘磨

詔書三殿布俎豆七賢羅如令重安設依圖再切劇望除軍府

仗久借兩廡製筆恬養汧池波汧池亦要擴方州化休教鄉校

訖聲詩鳴樂石籥舞共嬰娒

趙生移兩海棠栽得於補棠書屋種之

唐杜移來自道周雋才菁菁喜來遊春華長向書窗發待展紅

雲海上樓樹在學海樓下

鄂國忠武公新耐位紀三斷句

水內地中出井從天際開相傳唐鄂公會挾清流來 忠武與

恭勤暉原相去千餘歲並坐監澄瀾辦香萃嘉會天不因麟閣
峻遂略水功徵武烈佐文命九川其庶幾

夢舟中作

快得乘舟挂布帆天光漾碧水拖藍雲時風利行殊速飛過江
山萬疊嵐

蘇賡堂年前輩賦雜感於大梁次韻和之時權承宣

自來活千人當可受百福宇宙分內事原非一身獨要須九州
伯仁薄羣生育及時應陽雨芳郊粲眾綠中原早洗兵北馬少

嚙粟君子有本心瘖民亦生肉

哭嚴仙舫兄

身在林泉繫百憂蠻煙莽阻不勝愁丹心老去籌難借白首歸
來亂未休同氣凋零無隱侶君歸歎先悼其弟半生勞瘁到衰秋知君

壯志何曾盡一臥滄江病莫瘳

躬恥齋詩鈔

後編卷五

三越峴山館琴

視余如弟尊如師推及孩提愛比兒空願蕭湘容繼見忍教色
笑遠長辭不諼恆念延陵誨無愧初成有道碑却羨阿咸能接

武德門清白早留詒

初劔二筍薦先既餒作歌甲子四月三日

越中初夏鬪龍鬚各筍東魯筍遲味宛如今晨竹舫得二株上薦
影堂作齋蔬及時美與含桃俱分甘一家嘗餒餘舌聞清氣峇

細咀豈復肥膩思豚魚物少見珍真樂胥遙憶雲門平水居千
筐萬把船滿儲以此視彼翻覺粗明年儻許歸鑑湖移家先釋

茂林筍飽餐大嚼喜盈廚長使老饞耽道腴

追哭袁午橋漕帥

勺圍陳迹緬同遊湖北湖南萬象收國廷退直俯眺公每招同沿湖游覽先問往湖北乎
湖南乎日以爲常乞人罕與自別七峯馳戰壘頻聞三捷壯聲猷書生力紹

辛虞績偉略能紓宋皖憂我欲執鞭曾未得死生契闊慟卣州

曾亦擬從戎公
阻之乃不行

擊鼓遺音念帥臣江關爭祀感災民時江楚多懷忠猶抱無窮
立廟崇祀公入樞直在後志履險終全不壞身交誼互聯前後輩而入臺在先夢魂竟

判古今人事功成就由天定悼呂崔悲臧牧庵皆與公
田悲臧共兵事者惜命屯
濟山無人行

有僕來自諸全言過紫巖之許山寂然無人但見頽墻殘磔
鴟鵂遙望千子原定西遺蹟銷荒煙誤惑由聽包神仙謂立幻
生

法除逆勢更滔天仙窮遁去民乃遭誅虔許竭山焦人迹斷呼
人不磨惟有山鬼伏草間我聞述語心骨酸悲哉波中月杳空

憶冰蟾圓作歌抒哀涕漣漣
哭姚正甫弟元草未見追記書之與初本小異

鶴詔三徵遇總虛行藏偃蹇命何如心殫學業留遺籍所著詞
詰經濟

書甚富夢斷仙山證故居君本上真下請
乃竟終於羅浮慟哭賈生悲鵬鳥蒼茫
躬恥齋詩鈔後編卷五四 越峴山館棗

杜老弔鯨魚幸收鄉郡消餘恨已向茗溪送鹿車
題王四如畫山水帳簷歌甲子五月廿一作

舊得四如寫東壑妙境天成遽如許三年重見紙帳圖近詣益
精山水誦水生澗澹波山關蒼深宇層峯陡垂隱邨鳴揮塵松

陰對仙侶扁舟可通定漁父地非崑崙閬風快遐舉亦非太白
峨眉莽修阻意象蕭然何處逢疑在閑阜之間湘碧渚念我生

平舊游所入桂三潯繪襟府不必絕人逃世求過高得此勝情
已足樂安處清風朗月題素帷神夢長教覺皇古

題劉友仙舊寫山水帳簷歌
愛君之画數十秋長縑巨幘曾未求臥龍山房復聚處奮筆寫

我齋居幃自從教授青田士別緒繁紆幾千里寤寐輒與君画
偕恍惚雲煙同臥起觀君骨氣何老蒼奇峯突兀形偃勢近來

台岩口在眼畫理想更增光昌却疑毫端有戈戟氣少冲和遭

世劫晚年宜化前白科芑角要收歸靜謐君不見戴山道服翁
虎飲凡物皆畏真人心儻能醞釀入畫裡當使下筆消蕃稜頌
君莧優勗君養壽品難如松柏長歸來試画越王臺應狀湖山
淨如掌

登湖口市樓望微山

五月廿三

千古賢王子湖山尙繫各餘波看演漾一氣盪空明意量涵無
際登臨若有情但尋疏放處何事苦勞生

偶感

淇園今無竹嶧陽今無桐可見天地產有時亦多窮窮鄉出異
才下里藏高風芝醴絕根源一任聞氣鍾達者反哀矜不恃素
望隆君看神物始莫究于鴻蒙

承水道中

覺林洞裏杏千株滄浪淵中花滿渠古有幽人今莫見水源清
躬恥齋詩鈔

後編卷五

五 越峴山館棗

濁近何如

張秋遙望吳季子祠蘭士學波讀其碑而還

一代賢公子猶因小節傳信心如繫劍廟貌正臨川好古碑宜
讀凌波氣欲仙洪流不斷長與擁蒼煙

德州聞收復金陵之捷志喜

十年兵氣阻長江迅礪天戈復舊邦上將鴈行連翻下羣魔蛙
種望風降堅城一鼓還龍虎文露重霄布戟幢聞得星郵馳報
關頓教喜躍動征纜

桑園雨夜喜陶氏子桂海慶滄

隨其叔吳橋令又之來見

故人幸有子頭角已崢嶸一話桑園雨半生棠鄂情曹山餘秀

氣荻教望清聲勉讀遺經去蟠根定早成

大暑夜起書所感用莊中白望邳嶧諸山韻

蒸鬱方逞驕中夜少一歛金伏微颺息月出浮雲掩水勢演漾

平曲微淺猶險官程多缺鬻尤曹半匿潤胡不亟裁省慵僉任
開展萬類久不肅莫爲芟蕪苒積悶吁如何措心豈無黍
和贈莊中白次其祁山韻

疇昔望希微雲水訂且樂虛舟任所之宛與羣燕掠魚鴻遇已
晚何計求風壑忽見南華孫機緒將一託定山道源遠嗣音有
文莫雅才偶弄翰壯如巨刃斫乍見頓神契天涯遽驚愕吾衰
愧無庸抱影尙漂泊願子升芷蘭容我采藜藿高歌強爲和豈
足煩繩削

六月晦日書感

每逢殘夏動悲思熊子蟾妻溘露時十五年頭彈指速萬千心
結仰天噉紫巖亂後墟煙盡丹壁焚餘幻境移紫巖見前丹壁
卽種山丹崖壇
想見碧虛多寂寞不禁追感涕漣瀾

題沈拙安丈蓬窗錄

躬恥齋詩鈔

後編卷五

六 越峴山館菜

片善服拳拳羣言敗蠢蠢取裁極含宏選要關大體達者良臣
模窮者君子斐經緯咸著明忠孝各嘯啼不圖蓬窗中筆札齊
子史卓然當代寶光氣騰瓌偉自皆通本源何必連首尾頃來
扣舷讀富哉列前軌一讀一警省鑿心悉名理莫作眾說看載
道文有幾何以贊鴻編千秋垂壽豈

見鏡

見鏡顏難晦憑肱息尙調一官羞漫浪千里感漂搖履跡斯人
望弓旌我友招不勝歸思切勉勉且趨朝

竹飲

已離竹觴齋不離竹葉飲要使暑氣消清儕六一品謂六謝却
一教
官廚供先洗俗腸瀋道味無差池吾愛君子甚

過青縣

河上風多暑欲忘翠灣綠樹早生涼東看海氣涵青縣北仰天

光近紫皇邨落民恬瓜果賤郊原雨足耒耨忙水田舊法聞重
講喜見時平益大穰

津門小泊完顏地山來舟邀作竟日談贈以一律

半畝園中別緒牽何緣來訪客星船深情道故能忘勢舊德如
新感象賢抵掌從容論滄海開襟浩落望雲天德門已羨多旌
節又見詩庭卅角年時其十二齡
隹子出見

灤縣訪胡岫桐第未值見其諸子借宿一宵留贈此詩

車行郭東門來尋賢判官未得晤主人斂扉少盤桓粲粲玉立
郎修禮神殊端七子儀不忒賢如鳴鳩安寒衙忘暑暍餉我粥
兩餐猶見老滌書縱橫懸壁間假榻息勞塵足賦碩邁寬詰日
留織行意仿傾蓋歡相期罄離襟當在潞河干

抵通州由牘轉舫至東便門三牘相距
各十二里

潞河久與液池通三牘煙波溯短篷却趁秋陰泛秋水葭蘆兩
躬恥齋詩鈔

後編卷五

七 越峴山館琴

岸盪輕風

琴劍輕裝屢轉般香鑪茗椀意蕭閑緯絲宛轉愁驢背十里清
漪到水關

垂隄高柳尙參珍水鳥斜飛過釣潭咫尺五雲猶未見西山一
抹露蒼嵐

似泛瓜皮水國來霎時清趣足徘徊便門關吏疑遊客不更議
訶卽放迴

入都門至戴氏時友梅將出守廉州

天衢先訪戴下榻早相期素有沂泉想清當越石知秋鐙深夜
話炎海遠行時更望樹佳政好音矜我思

重謁叢堂

岌岌鄉國虞悠悠朝野狀惟有仰戴堂永世幸無恙英才自輩
出道義果誰尙牆宇浸凋敝蘿竹猶疏放講規未漫滅藏室存

七轡輒循舊迹尋惜少故交訪一事繫遠念全書枉遺餉版刻
何所歸了莫知得喪斯文倘淪棄吾黨長悲愴欲起杜沈儔更
爲典籍勅扶衰抱深願抑鬱勞南望日盼同志人奮然其提唱
劉子全書杜氏胸沈氏復粲纂成其版存杜家書塾紹郡失陷
以後不知存否吾鄉志書以外惟此爲最重不禁日久念之亂
後人窮安得
力完此願也

王文簡師九字家箴令甫述之以授其仲子樹林頃於京邸屬
題爲書一詩 氣度緩心地履識見遠

萬事都從忙裏錯羣生每到寒來剥一寸心涵千丈光豈任淺
中相束縛舊聞吾師惟述經詎知說理同朱程慕邁晚年亦近
道傳家要訓由趨庭佩韋古所崇養溫尤粹美堯夫從容辨元
運茂叔霽光照靜理滌迴水澹蕩春和神致遠更無極易簡直
包天地直賢門有孫服遺教九字箴言宜克肖竊愧衰孱學未
成空向高深尋道妙

躬恥齋詩鈔

後編卷五

八 越峴山館棗

周少白貽画石即題其扇

舊見道臺圖介石今紹遺芬得少白一時少白兩山人梅石清
名齊卓絕林阜閒梅存已稀草窗之石據英奇欽崎磊落抱干
古蒼雲叠起山靈飛我游太山及東海石態雲容眼前在君如
鼓棹蓬萊東筆底更可騰蛟龍

王荅洲以湯文正公遺硯拓本屬題爲書一律

睢陽片石紫光妍想見雲畊道畔田曾用洛中勤講貫更從吳
下恤顛連程門學侶偕三子沂水心源潤百泉合並舊藏藝器
重深資書對紹前賢

觀見恭紀

畫屏雲氣隔重天

簾外端儀

黼座前曾侍

先皇頌

顧問幸瞻

沖聖乍傳宣

養心地遂欽

衣德述職河千告履年切望近依

垂拱日長容執戟舊班聯

謝真授

恩恭紀

萬里廉同達千門夜未央齋虔謹書對密勿許陳章

躬恥齋詩鈔

後編卷五

九越峴山館葉

聖意漏

恭默臣心望拜颺行看早

親政

景祥慶

明良

又用前韻以志頌

紫霄光合照

金闈庇無央

坤福三千界

天經十八章羣工仰

媯補庶事勵暴颺日祝清寰海共欽

元德良

儀真方元仲子穎重寫令祖笠塘先生春風並轡圖甲子七月
幸得快觀率筆題句

我生之前有此圖七十年後神追摹祖孫相繼躡雲路方家長
與春風俱婀娜老仙謂阮文達公恭祖舊題識應爲斯世壽兩峯秋

更亦傳人筆墨自當同不朽鳳池雙鳳同翱翔惜我未得聯鴛
行頃從密地證香火風緣更得聞古香選樓餘韻將重振江上
煙波欣已淨坐看杖策驟天衢萬里澄清饒遠興

長椿寺從實甫師觀明時宏慈極聖菩薩像又見蘭亭輞川香
山三圖同飯齋蔬者何白庵蔣霞舫王定甫也

七年不聽長椿鐘北來幸復風雩從緇林靜退撰杖屨招二三
子尋幽蹤新寮乍開趁秋日古瞻其拜瞻慈容九蓮道場幾遷
易宏慈遺響留瓊瑤法雲深擁寶華月滄海久泣潛淵龍禪天
隱見三百載莊嚴尚覺居璇宮吾師信古屢辨正重摹繡繪彌

躬心齋詩鈔

後編卷五

十 越峴山館琴

敬茶辦香供養賴釋子謂如月水齋會集稽管彤一堂更覽好岩

壑蘭渚輞川圖寫工香山勝槩又近取神京仙苑羅蒼空頓於
丈室拓眼界競賞古今煙靄中劫餘漫仕薄塵慮少長恬愴將
毋同未能晨夕侍閒燕各欲栖遁懷義農此游清快豈易得何
異逸儔隨閩達

題路蓮槎沒後異蹟

久聞章文成神司都水壩佐者宜妙選路子遂景從生平正直
氣允爲天所崇冥漠偶過差深賴匡救功靈蹟偶一露已足驚

羣蒙洗心有詰弟紀異非談空方知重黎來天地猶自通關幽
發其微昭鑒理難窮以此厲善人幸各矢廉公

五知已詩此詩庚戌年曾有作在吹生錄上卷其草佚去恐不復得甲子秋初復於京邸補爲之已閱十五年矣

福山王菊潭丈餘英

之累世績學吾丈尤軼羣出宰湘麓間仁澤民所欣先友比同

胞丈刻已巳同胞一印篤愛小子勤教我如父師提策摹雄文
以與年弟兄誼甚至清結令孤兒往忽懼邑行殃奪官歸神君善化獄中因以疫死
方蕃教養心大願蘇憂惡舉家將往從待潤垂天雲時丈欲俟先人浦累
長沙奉母讀書蕭然返東海燕几頓離分但傳求是編至老壽遺芬

澈浦嚴樂園文 如想

誰樂范公樂愛士如骨肉惟我丈人行高義當世獨身雖未得

見相期踰碌碌志欲羅兩生丈嘗以余與禾中王生並賞欲並致幕下種若左右

竹徒驚古柏摧乃使小草蹙遇竟虛雲龍跡猶困野鹿知己誠

第一塊少青雲福幸從長君游謂仙舫獲分庭誥讀追慕無涯

思長懷沉水澳

霍州部棧園師 文英

初登元禮門重開原思况急為母陳囊書律計皆當師為籌奉母東歸之

律許讀書讀德業期有成几杖祝無恙忽悲鞠窮盡莫緩梁木

躬恥齋詩鈔 後編卷五 士 越峴山館栗

喪不才勉自立九京釋殷望墓文瀝寸心恨未省幽壙師恩感

何極悽惻將安仰

長沙鄭芷川兄 諒允

谷口有良士招我于鹿門一見如舊故交擬龐葛諷過信端友

譽望為士毗援因嚴仙舫延譽相要至襄陽將借籌議時政承

夕詞連狎時代草襄郡鹽法議木桃訂承好唐棟思翩翻我送入京國

君亦去襄樊斯遇古已稀斯意今未諉惜君久辭世不復申話

言幸推哲兄愛尚得友諸昆謂小皓然追念遙薜荔荒湖沅

同里童石塘兄 灑

寒松得恒岳清節賴以成念余將入臺勞子深屏營談心在歲

夕薄粥昭寒漿皆實謹論覺悔遲隱疾申自嬰白衣雨含淚時

感各抱無限情詎知一別餘遠聞還玉京熱腸世更無弱幹吾

獨撐何曾受依稀志感在平生

過北平省邸晤子明

昔在時術堂與子共明晦因官各雲散神想馳天外頃從魏闕
來訪之督亢會一談叙衷曲離緒夢如碎但羨積慶門後塵喜
蒸蔚旬宣經屢試令聞已稱最雖覺階秩紆能養容儀晬勿勿
遽分手念我將休退再見知何時臨歧有餘慨

由張秋至開河阻淺太甚為詩紀其勞苦

北湖有餘波南還水遽淺形變東溜淤趨向西坡善苗生進修

王導余舟一綫能宛轉迨過沈莊口意可臻舒展開河竟夜阻

叩須眾求蹇盡捐篙槽餘推曳出沙衍踞呼煩永夕始通廿里
道憐彼拳曲松謂運河松丞同患等寬福往復皆得疏始可免

磨礪曉辭分水龍急催木蘭蹇

欲假還不果仍居正誼書堂

乞省松楸悵未能簡書故趣繫蘭鷹秋風吹老書堂竹蕭瑟頻

躬恥齋詩鈔

後編卷五

主 越峴山館采

晝夜讀燈

奉和河東先生惠詩即次元均

八愚餘韻久稱稀百世清風幸素知學業莫躋司馬法行藏較

勝有唐時敢將尤怨狂希古不望崇高淡合宜却羨先生隨鶴

侶樂夫天命又奚疑

元作

古處衣冠世所稀道高德重有誰知違心怕作逢迎技俗眼

偏多落寞時同異從來難合契聲華轉覺未相宜一經識者

添幽賞哭笑千般盡可疑此君適遇與吾相類八句橫看

復和疊均

吹下天風音更稀深情憂世望真知愚溪古貌容重禮慧海微

言惜矯時解得人天非尙寂不徒曠與獨相宜從今性分須求

盡清夜心香釋大疑

題椰子集後

長言覺愚昧藹然情至深流光忍虛擲解惑心彌欽莫大善與
同字皆金玉音提撕感非常古道勗來今願懲往昔過勤策現
在心明師奮千載默識銘寸襟蠹沒無窮期何敢任浮沈神明
儻容觀事公當鑄金

朝咏滂上詞莫讀河東集上從對天問下至龍蛇說至理萬象

瀛奇氣五行翕翕遍莊與元鼎峙退若習自經九天召 帝

所通呼吸益濬大道源高明愈冲挹心希往聖遠學取後賢則

直可化衆流非獨動歌泣欲見琴夢中仰止或容及

學子中有敬奉子厚先生者不事扶禱自於手申示誨已十

數年乃承寄語贈詩兼惠詞曲其自悔失足絕不尤人知晚

益聞道不泥唐人詞章之習而重宋賢理道之修至於出處

進退一秉聖教不許潔身隱遯殊非神仙中人所有故不才

躬恥齋詩鈔

後編卷五

三 越峴山館采

未嘗瀆祈妄請但以心感託之詩篇不忍忘之記其機緣如

此云

補附杖杜軒遙和北宋何文綸先生 二絕

青可广中久鑄仙越山風月尚冷然知翁不達蓬瀛路倘許雲

停杖杜邊

樓空酒盡憶詩仙痛飲高歌事杳然今夕坐風多嘯侶 謂雪垞
雅山

凍醪春迓紫雲邊

何公忠魂耿耿多示現於中州雪垞久奉瓣香昔介雪垞得

蒙致語因知向文恭召回小子大有前緣今卧龍叢祠盡爲

灰燼而雪垞亦化去數年可稱仙劫附記之亦從類之義也

附禮斗一律

斗極三秋烝煙霄万里光望蘇民疾痛祈保 國安康凡想如

堪遂真容未敢忘尚思修梵殿遺蹟問蒼茫 七月曾因獅達
齋一斂星壇

躬恥齋詩鈔後編卷六

乙丑

次和沈拙安丈喜金陵克復十一月補行秋試八首

厄運初平 泰運開詞臣持節渡江來盪除蛙紫氛煙淨眼見

文昌嶽上臺

鬱抱同舒蹇難中羣才吐氣作長虹要從雪海冰天裏下筆春

回卅六宮

重開選佛清涼地新拓賓王講議筵又遇山陰平太史鶴聲復

振蔚藍天 寬夫先生曾注江南試

東南嘉穀乍登場藝圃書疇底事忙鏡吹聲餘笙雅作駕麟騎

鹿喜超躡

天上將軍靖萬魔雲中星斗濼陀羅上元間氣于斯盛定取名

臣碩彥多

躬恥齋詩鈔

後編卷六

一 越峴山館珏

多士安排入廟廊廣寒方發藥珠香桂林本有冬榮性宜展仙

蟾白玉堂

開徧羣侯旌節花嶺頭花更放橫斜元戎校士龍門壯收取奇

才數百家

如此江山久滌河頓從黍谷動葭灰英靈空際皆含笑不獨歲

寒松竹梅

寒夜二絕

鉦柝寒不鳴長夜殊清寂料得虛靜中已教天宇白

六出自勝來萬粟先箕播天心如散花神功真可賀

夜坐偶成

寒宵深坐煮慈菽味勝衡山半芋無雪月小窗清不澹詩心恍

似洗冰壺

題暹展圖爲沈拙安丈作 圖用沈麟士事亦採古歡錄

南齊高逸沈麟士傳鄰人失屐認麟士屐爲己屐既而得
己屐見還先謂曰是汝屐耶後應曰非汝屐耶終不與校
人生著屐知幾兩屐去屐來殊忽儻雲楨勸破人我闕得失豈
容勞憶想要知我屐猶卿屐爭固爲誣還亦囧於今織簾有昔
人悟徹浮雲埽塵壤著時敝屐空係戀脫却殘鞵更寬廣絕無
小物累胸襟任與天游娛俯仰雙鳧飛墜并皆虛六鷁迴翔任
所往當初歷踐華要地過後顛消諸徃攘乍因靈境證前修寫
出達觀忘已象圖來不言作圖意縣解神幾通佛仿料應窺透
靜中倪敢謂能搔仙爪癢

水仙遲久始放有重臺者亟賞之

春寒久苞蘊直待春深開挺然水石間吐萼爲重臺金心而玉
質香色猶古畧宜侍水仙王妙擅湖山隈齋中少花木得此舒
吟懷疑是許飛瓊婢約凌波來

躬恥齋詩鈔

後編卷六

二 越峴山館栞

覽天啟朝奏議書慨

昔日袁朝制狡童曾因臯虬罷臨雍正心一味良方進尚有規
君蔡教中

題查辛香分繡聯吟閣圖本爲慰情乃以導性當不以煞風景
少之也憊字向不入詩其實好好色是真誠意吾輩不知不辨
正坐鹵莽用此一字庶悟賢聖風流耳

求憊情懷亦復難況教仙偶會三鸞愛河一斷楂空泛信是無
波不起瀾

圖中三美俱逝辛良思之不忘

花容雲想已凋殘畫影空將老淚彈尚可歸田尋鱸侶白頭青
案喜相看

其圖首日半耕半讀推本遠祖冀缺故以正論風之

頻嬰果花盛開爲書一絕

春晚欣看五出花卓然凝立映朝霞
嬰心本是多情種曾托相

思動梵伽

夏鎮與許少麓 邦行 蔣和填 慶虜 司吉壘 順 高凌大泛口 乙丑 二月

手思持畚鍤心實攬泥沙通力資良牧承流渡水涯淺疏大泛口深論小河槎萬石好浮送吾儕願豈賒

分道入河湖方通轉鐸途因時乘利導爲 國仗討謨榛塞待新闢對深除舊燕同舟二三侶還望共將扶

見言至收羅楮材心賞之

瀟水設水關需材如考工索約聚縶麻方版削楊椶泐丞善取資臨事先備供微湖雙牖間啟闔相彌縫一節政已斂奉職宐有功識之勵衆僚幸各思器攻人物兩俱得庶免譏疏慵

途中植物甚希感賦

麥才新綠兩三區柳僅微黃四五株土厚水深生氣少此中應

詰不毛夫

鳥兒嬉歌

躬取齋詩鈔

後編卷六

三 越峴山館琴

家鴨紆紆浮野鴨拍拍飛同在大湖內結隊各娛嬉漚鷺與鷓鴣又復掠過之有風禽性舒有浪禽樂馳偏於浪花裡翾身汨其泥沐浴天水寬快於菰蔣栖出沒何容心直可忘猜疑幸無毒機來且與造化隨玩此開余懷聊爲發謳辭

補立夏作

柳絲吹颭畫樓東爲送東君一夜風龍尾已迴留不住春駒猶

趁夕陽紅 是日戌刻始立夏

四月十八日次和辛見懷韻

曾聞曠世意相投近感深情柳柳州未許急流尋路去却教破衲耐煩修山中鶴唳歸何日天際鴻飛望到秋且待心知共商

推停雲重晤水邊樓 時辛見欲由

題吳門潘琴笙詩稿

身經百險語和平諸福常從善氣生喜得福星來沛上好教齊

魯洗戈兵

初見筍喜賦

久望竹萌抽竹窗正悵惘三日不暇窺數莖已潛長夜經雷車
催曉隨上膏上好雨乍沾沃穉龍喜有養根肥節日高已蘊干
雲想得益幾佳士堪與同欣賞

謝陳小韓貽書墨

索書費墨人罕知陳侯爲我貽松滋潘郎甫製煙炭已久覩
物觸動懷人思佐以藏籍出巾笥嘉惠童蒙更可喜古香潤筆
非俗情几案駢羅感何已温煖揮酒興不窮豈必取資鮭菜供
報以短章子應笑聊志寒素同儒風

呂學正星史扇上詩有龐葛之思感而題四絕句

隆中與鹿門相望本咫尺舊日欲移家悵然竟相失

東漢多歸荆北宋始歸蜀擇地將何之樂上今安卜

躬恥齋詩鈔

後編卷六

四 越峴山館栞

欲尋桃花源茫茫不知路何處不開花要得安平處

愧無九仙骨空慕仙山幽風清月白夜隨意弄扁舟

故人王秋浦

宋海

自粵西扶護北行至泂州聞警留泊多日出

其諭邊民禮教書與練防諸策質余兼以檀桂爲貺時風鶴正

厲余又北勘運道途遇停舟話別良爲黯然也

昔余將汎河槎行獨勞祖送深有情八年泂上復相遇子正端

憂揚素旌風雨書堂重話舊縷述嶺西從政久幸讀防邊諭俗

書曾爲瘴地蠻天守使民知禮能即戎孝慈善導咸從忠漢儒

經術治交部翕然繼美追清風此日魯郊方患盜扶護艱難停

遠權風聲四面放路歸未得論文共探討分我良藥兼奇香檀

芬桂辣非尋常無以報玖愧小白惟有翦燭談昏黃苦在兵中

又行水道子北歸我南指落帆小語過長溝握手銷魂嗟別矣

欲序子書無暇爲多感子心長欽遲何時更到故鄉見曷禁流

涕悲臨歧

書所悼

十年前已請南征遲日方來久典兵彌薙終難盡豺虎誅鋤幾
費策鯢鯨勇先士卒常輕敵誤用凶邪致隕生耿耿孤忠今古
少中原千里動哀聲

當請南征時占
蒼云不甯方來

懷武鄉侯

深感秋風五丈原隱然自視太山尊未容國賊干帷幄常抱心
書見本源名士何嘗無失算丈夫豈肯莽酬恩後來痛惜登壇
將一擲輕身慘斷魂

感賦三首

疲師竭帑盜難除民命傷殘草不知長策究推清壁議好官宜
孰守城書少收烏合流餘毒漸得鳩安保井廬祇望蓋臣思變
計善驅害馬養勞魚

躬恥齋詩鈔

後編卷六

五 越峴山館葉

狠心幾見換忠肝自古皆憂服叛難手滑浸將無罪殺面柔翻
賺有恩寬揚戈初不防家賊帶劍偏多逞野干戰陳何堪作兒
戲長教志士發悲歎

榮辱無端布罔羅封侯夢裡客爭過羽毛善眩雲霄上心骨深
悲烽火多誰縱四郊驅鐵鎊最憐千里蹶風駝武冠戴勝忘寒
暑何日澄清血海波

次和陳晝卿見貽四章之一元韻

山房舊雨幾經秋天際舟來汶泗流袖裏新詩驚大筆客中雖
覽愛名樓論才自足追枚馬慕道還應訪魯騶悵我浮萍難久
合欲乘秋水早歸休

立秋至新店晤劉受亭而歸即景感興

四望極煙水一面多好山微雲靄新秋岑嶽增蒼顏停舟遇嘉
客握手清風間俄焉挂帆去悵與沙鷗還不覺忘暑中飛渡十

八灣

泊石佛牯待錮舟

寥落金人黯失靈柳條低拂水門青忽聞芳草通香氣疑是蘭

池曉露馨

質言書事 北饋米船時作

淒絕長溝五里營 賊前破長溝後破五里營 殘黎痛定向心驚無端離僧偏

相嚇稱有鄆城邊馬聲

礮船環護米船來虛警徒教泊濟臺念我分當前路導雨前一

葉獨先開

深念湖神廟貌頽未遑補屋掃蒿萊勉支殘局言當踐休待紫

衣人更催 雪垞舊夢神衣紫袍

蹠徒未忍毀神祠三百餘年澤未衰祇惜賢孫受侵侮 謂宋康惠白老

人後悵無祭服狀離披

躬恥齋詩鈔 後編卷六

六 越峴山館菜

七夕河瀆雷雨大作

銀河隱注黃河渚雷電砰訇送急雨水中雷鼓動地來天上雨

兵塵戰去蓬脆狀席漏不休徹宵點滴如浮漚七襄夜織千萬

縷纒盈灑落黃姑愁碧天離恨知多少一夕悲嗁竟昏曉星精

仇匹事有無烏鵲情深空補巧向來疏淡看微雲豈意放筆為

豪文風瀾變態故無定我欲一掃開秋氣 公富領觀擊雨中一

汶與河並漲米艘得以暢行紀慰

水借黃河深泥坐黃流淺深者在中洪淺者近邊堰一時長落

無定形就中深淺難為平姑隨造化為進退人力何苦勞經營

神哉河伯有英爽默應

宸衷增溱潏南袖東黍皆得行早送錮艘潞水止

礮船行

防河有礮船護糧有礮船兩船各建威礮聲轟震天更有散勇

成一隊藉恣攘奪乎其間五兵氣衰盡歸火硫焰勢欲吞戈鏃
當其中流競標幟船鼓諒若何喧闐約衣烏帕蹶張輩飛槩若
舞開風煙拾蹤已遙槍馬歇可惜張王不逢賊戍申戍許無了
期誰探泊源求國醫

分水口敬請乾隆中觀汝樓

御碑詩恭和 元韻

汝源遠出太山東二水中分氣勢洪奇策昔從遺老得運
途今慮斷潢窮元光瓠子瀾應復文命航餘粟有功猶未
當年疏濬法豈因私智忘推崇

八月朔定甫以阻淺阿城來告遣人迓之逾旬日導滯而來其
眷船復阻於長溝時寇踞河岸舟不得行乃馳至沛州盤桓竹
舫兩日乘間謁孔林登泰山比還而寇退河通二十八日挈家
南下即用候疾舊韻贈行 定甫一號榮生

躬恥齋詩鈔

後編卷六

七 越峴山館

黃流浸落溝洫空水脈本虧多疾痛癸翁嫻嫻度歸舫入楫翻
遭遷渴中防軍助浚難排疏道遇陳鎮軍濟清為助排一葦所如愁莫縱曳

河旬日極紆回始趣任城告呻桐書堂對談秋漏長悄語國醫
誰治癘銖塵軒冕非本懷為避譏護同室闕載書痴策道七千
需出泥沙全洛誦躉容放眼小天下仰觀秋陽開鬱霧襟靈當
有蒼昊知隱遯豈望徵召用念我浮沈比匏若罍醒勿戀寒柯
夢流行坎止臨別語足釋閉門深內訟脫然共視徹屣輕歸乎

同念名山重羨君先涉子胥濤行且追從催策鞵

翁蕙舫弟以六十自述詩寄示次均壽之時乙丑九秋三日也

昔看卅角初呼弟今計年華已作翁祖舊情深同聽雨太常昔

嘗來家公聽雨山房君最季復聽雨於此朝廊跡聚共趨風良歎追企尚書上學脈

遠循靈緒東何日約為直率會羨君猶是秀眉公

少日文章草不羣一登粉墨隔青雲從容簿領如無事瀟灑

懷多所欣秋色滿園娛雀健晚香當砌喜蘭薰庭槐餘蔭宜培
護勉保孫枝我與君

和謝水曹筌舫贈菊

幽人小隱井中天手種籬花態自然肥瘦短長渾不計瓦盆分
賞有餘妍

子舍端宜壽菊敷寒香供臯爲親娛豈無人力澆來大不若陔
南樂意殊

我將歸去尋荒徑子且依栖在水門長望此鄉風日好養成晚
節長兒孫

題蔣室彭孝文事略

蔣各鳳藻官刑部
女爲彭文敬公孫

相門女順孫歸蔣在甥館祖庭病瘵磔求醫少和緩割肱潛進
羹苦藥腸欲斷不得救翁起報本日偏短愴聞夫子家多難增
歎惋亟思歸奉姑仰望白雲遠求疾遽蘭摧遺憾泣幽晷長老
躬恥齋詩鈔

後編卷六

入越峴山館琴

競悲惜贈言溢形瑣忝使先執知覽傳淚痕滿揚徽緬前型曷
以盡悃款

送妹佩薌就養往沛南

同氣存兩人幸得一力聚匏葉浮濟濱藉釋遠離苦更無脊令
歎只尺忘羈旅會余思歸休勞君結愁緒扳留意無盡宛轉情
難語差喜有子佳板輿爲親昇策名堪受祿作宰分齊魯羨膺
養頤福遑繫瞻岡慮東南道本通飛鴻不能阻倘可再相見綠
望天公許悲愉強自舒莫教淚成市

咏蓮翹花

俗呼紅
姑孃

丹氣升五中宛如肖心絡結實若蓮房纏枝散花鄂連若而異
翹名象信乎確柔姿發霜天差可伴纓絡俗眼泥色相但謂紅
情託雅詁非偶然聊堪助欣素

躬恥齋詩鈔後編卷七

丙寅

辛香於德州得英石名以小縹雲用坡公雪浪石韻拙安翁亦和之依韻寄荅

鬱然靈氣雲雷屯小石儼居喬岳尊奇礪意象肖具體萬里流轉河沙昏補天袖海豈在六一卷沈落齊民村禹津吟客喜入手他山賡復查田門三峯兩竇驚鬼斧六通四闢藏騷魂攜將巢父共矜賞志异搜剔韶巖根恍如華頂含玉色疑有岱顛穿雷痕知君礪砢宜感召與誰礪薄相窮論惜徒翹望未把玩不獲娛樂分盃盆何時拜訪喜得見片雲頓慰吾心存

荅和辛香見贈韻

習坎匆匆倏九年泥沙往復苦相牽水窮直似魚緣井天助空期鳥啄田自咲退行同下乘但愁晚泊盪虛船今朝已上辭官躬恥齋詩鈔

後編卷七

一 越峴山館栗

牘涓想稽山菲飲泉

荅和王子擘見贈韻

方擬歸來賦不知來日難從今小山隱如服大還丹出夢悟真覺放春乘半闌天公儘蕭瑟砢我守清寒

留別沈拙安丈即次見贈用辛皂元韻

絳帷清誨別經年赤綫流光任暗牽破鏡豈容雲作障荷粗還恃石爲田樓居遠過低頭屋湖泛輕招躅聚船手搖加以足盪遂有此名此滄浪無濁水洗心快飲在山泉

假館又得雙棠移居一旬翰花滿屋詩以賞之

舊館在南今在北一樣花逢棠杜赤屢居棠下綉芳韶憩我敢

云希召伯我辭綠雪解中留手植竹一株招紅霞澹心偏倚花爲家片雲

欲去暫延伫却從落莫覩繁華昨朝微雨愁霏墮今日晴烘千

百朵養來光色十分妍釀出詩情三月匡此時耶鉅多風聲窺

後東幸依大樹民無驚潘琴軒領軍方擊賊賞花元巳且自得日望河沛
皆銷兵

調夫余生歲前聞山人欲歸以詩送別今將別矣爰次其韻答
之

西清餘韻憶鳴珂東沈浮槎唱渡河退到急流慚未勇宦情至
此本無多

嚼來蠟跋忘其餘收却漁竿信泊如若問歸裝何長物布帆聊
送一船書

吾門鼓瑟幾知音喜采芳蘭寫吉金分得四明靈傑氣十年風
雨證文心

心鏡方資照影形書堂暗對慙消停何年來訪山陰道勝蹟同
尋蘭上亭

坐忘應不慮將迎惜別何堪動散聲立節待看千尺上潛淵遙
躬取齋詩鈔

聽九臯鳴

後編卷七

二 越峴山館棊

題吳翌卿寫生冊

不爲泗上長權栖歷下亭閒來舒畫筆草木寫襟靈
妙手展春風錦心酒仙露恍參摩詰禪天花散無數

追哭姜表弟倡

葆泰

表忠之章多挂漏難得遺忠稱舉首

林侍御式恭奏卹紹郡姜葆泰等一百二十二人

不圖中表袖石翁死節數年今始奏君家學承忠孝門藪堂修
業聯經論雪帆早逝君獨健

周雪帆爲

寒松蟠鬱山中根陡然

長鬣驚鄉郡幾輩儒冠能授命初疑石隱效磻溪竟率國殤丁
劫運亂時闇晦久光明事類位西疑死生未詳慘狀將安問使

我南望殊悲鳴

方柏堂來泲州索詩賦此貽之望其及時爲世用也

莘渭起野處魯騶事闇修潛伏思救世後先同隱憂得時遂展

斜守道空周流後來誰溯從寥寥曠千秋隆中與河汾殆庶已
寡儔近惟嘯臺客氣象差可侔惜舜帷幄徵徒老淇泉游今日
富英雋古道難與謀獨我柏堂子有心慮九州旣堪就深淺胡
爲尙沈浮小鮮亦足亨志大恐難酬莫設伊吕科姑且效由求
緩縛滄海柎急須野渡舟杖策從此行樹立宜綢繆
食湖中鮮小菱生孰皆美

蓮蕙將舒芰實成不嫌多刺抱深情宛如翠角兼生熟咀嚼屋
牙一味清

湖波四面養澄鮮玉雪纖膚嫩可憐觸動鄉心憶鄉味望牽菱
葉泛秋船

外孫施啟宗新得一子志喜

若翁好學有詒謀天賜佳孫慰玉樓咳字遠從千里寄楹書留
待十年收退居賦與垂髫讀洛誦風傳邁種優能肖外家看振

躬恥齋詩鈔

後編卷七

三 越峴山館棊

奮山中深望拭吟眸

題龔允甫存硯譜蓋有慨乎言之也

能書不擇硯硯更不在多嘗看取硯者所存曾幾何君家傳硯
富珍石棋孳磨十八與十二君先稱十八硯齋後又得十二硯地數陳紛羅性

嗜日增廓瀾湖墨池波晴牕偶展玩欣然手摩挲亦堪忘疾痲
藉以養太和余素無硯癖他山少切磋舊物早散盡鸚鵡空巢

適借先雷州公在粵會爲路硯授子弟今皆亡矣塗抹資庸材尙欲縱孳窠豈不羨結
鄰未暇辨蕉荷品題愧真鑒始寫巴人歌

泚州留別八章

託命在王癸來木宜於東東臂與東道分定職土功河涉訖尾
間屢涉徒從四載司運途南北勞行蹤補直春揭忙需滯泥
沙中黃流旣失治人力胡可窮勉隨勢舒斂引愧常捫胷無惑
招譏讒自聞誠凡庸時又迫崦嵫豈望爲人容河魚疾奈何亟
計逃藩籠見幾不終日慨然解半通

海岱履跡經登臨未能暢羣山繞支川到眼莫名狀高深恣我
取動靜由天現所得豈微眇隨處供放浪大勞遠空憶靈岩近
虛望手招松喬偕神仰壺蓬上何堪久錄錄坐井循隄障安得
乘雲飛方外極遐向行將返越岫童時舊游泳叶從應悔遺帶
礪不逐夸父杖舍崇而就卑曷以快誅蕩

有濟神明地叢祠感慶典亟拜忍漠然葺治敢弗承河濱崇報
功顧提賢達名荆榛少除第壇宇初潔清雖未慊所願靈爽或

躬恥齋詩鈔

後編卷七

四 越峴山館琴

式憑辭官禮數隔此後空儀型但有兩歛端李杜荒詩庭泉池
未修瘠深負清風馨宛轉發幽懷祇覺心怛怛香火緣有窮瞻
眄難忘情太白洗筆泉少陵南池
兩祠未及修復爲歎

好古聖賢心後生豈容忽魯郊寶器聚人尤重碑碣金壽石不
如三古字唐沒漢刻偶一存搜羅到山骨移來孔庭下光氣自
律砢重之等彝章欲讀半湮汨惟拓留幾何斷續成諸屈世多
強拔附題識送標揭余謂根本稀胡爲遂其末連年困兵擾欄
楯遭唐突未遑深夜摸每過借倉籜隱願猶紆回遺蹟漸銷歇
時鮮黃小松 馮晏海
易 馮鵬 信 異 誰 訪 伏 闕 臨 去 有 餘 慕 古 香 負 馭 替
徒向石數卷嗟嘆呼嘈嘈

八年近壇席桃李常在門士流似傾向悅服曾幾人暫開正諒
堂頗思導本源小葺補棠屋講課恒夜分幸得二三子心折非
貌親尙有老宿僞信從殊等倫忽聞子告休驚訝動心魂上書

敬戒唯乞留爲斯文時方治兵急文事不得言重許學有素拙
心何足云惜彼慮長者觸忌甘服膺不恤膏油資耐守原氏貧
諸生不忍背師多棄耕業古諺大可感曠違歎在陳依依失吾徒悵別欲沾

鄒魯君子鄉交契乃落落先後失二孔宇華善類愴寂莫國老

知已希時賢意浸薄老蒼李笏堂朝槐與劉驥雲文驥折節甚誠確名教

賴扶持輔仁實攸託更有善信間本性重然諾斯人近古處重

之比耆碩愧余太踈涼相與輒駭俗朋聚本無幾奈使睽朝夕

同心比芷蘭將離惜勺葑從茲川涂邁莫共風雨席長唱催歸

帆思之在寥廓

同汎一衣帶相維有同寮譬猶居講壇旅進童冠曹朝詰土高

卑暮間水長消未能化實心結習多浮漂勉與虛委蛇故紙讓

量料其下沮吏儻循責皆牙聲藹蕊少餘味瓌屑難崇朝豈無

躬恥齋詩鈔

後編卷七

五 越峴山館采

舟楫情都爲波靡滄歸遲既勝脫用蘇文意不復舉長菱揮手

自茲去還念寅恭交聚散亦足悲繫心惟苦飄閒雲尚紆遲葭

渚風蕭蕭

萬物皆有情況彼靈草木薄宦來任城羣植狎遊目重栽學舍

後新蒔書堂竹采柏勝飲薜茄祀助餐粥藕根濯玉雪柔樵浸

醜酥杏棗有兼美棗柿亦爭蒺習見薺茶告常愛蔭林足每逢

生機長輒爲留連熟東園未成林南池剩殘馥倏過薜苔綠都

感化工蓄歸人倏如客故鄉憶松菊與此芸生類千皇殊州域

元氣本相關一視同鞠育觸我無盡思祝爾保長活

次和謝笙舫祖勳送別韻

恨辭修竹去書堂惜別如違三矯強謂昔辭清夜水門猶有韻

敲霄月窟已聞香餘情且寄層樓笛舊侶同磨一味涼高咏見

貽希逸句江天離思共悠長

寓庭游龍花甚繁詩以賦之

荷華零落涉秋瀾獨見游龍忘暑寒挺直尚分君子性扶持能助碩人寬鄂垂紫穗疑霜葉蕙颺涼珠似露盤追念蕭然鄉杖

者曾留餘韻在長安湯文端公有游龍杖詩

題仙蝶真形圖為王子楙

十全天子感靈胥仙蝶見太常寺事在乾隆中遂蒙賜名巨翅羅浮轉不如一證

仙班根正氣蔓痕縹緲現清虛

五六斑存天地中合成枝幹象無窮外二翅各五內二翅各二其腹面金色

光獨抱丹元意到處須知有化工

偶遇詩人與酒人多將離合問前因漆園定不參凡見肩以仙

綠動俗塵時人以蝶至為有緣當得吉事云

徐田漁翁之孫受馨字石甫赴徽省暮遇涕來見出其所作詩

稿質余賄以一律

躬貶齋詩鈔

後編卷七

六 越峴山館采

祖庭初見尚垂髫弱歲重逢俊豪名譽漸從師友立丰裁早

仰闕門高駐防子弟例為譯史於部老泉一脉鴻詞嬪謂乃父靈谷層雲

虎氣用半山靈谷詩序意乍賞新編懷洛誦信堪家學繼風騷

龔允甫惠集唐二律依韻和答

龜勉扶衰尚救邛夢餘猶復憶夔龍思歸欲把桐江釣託隱甘

為石戶農閭世空花開七七流年逝水去重重無端苦葉安能

濟導沈功虛類浸雍運河多隸兗州雍本作維屬兗今已入罕知者

曾觀東瀛舞天吳謂昔巡海將趁西風汎越湖願守殘書重發篋

愧無長策更陳暮温郎照盡魚龍戲陶令攜歸山海圖感子深

情占出處何勞生計問甌史余雖告痊仍請省墓歸去乃君占數云當復官河上

次和蘇賡堂七月三日病感韵

遙聞離汝少安居省恤頻勞使者車籌饒幾甯驚燧裏救荒尤

急早秋初塞鴻聲擾涼宵夢河鯉愁傳病榻書却愧閒身無責

字感君忠愛意林如

積願葺杜公祠未果瀕行小葺補之因於石像後附刻一詩以志歲月時同治五年仲秋也

浣花西望草堂遙秋水南池蹟未消感昔蕭疎逢八月悵今枯寂刺雙橋池洞蓮圖留戴笠冰霜映詩重懷君 日月標敬用

詩意百二十年重補葺沈椒園先生勸祠在乾隆丙寅今歲已兩周丙寅矣歸人餘慕

仰青霄

題李供奉浣筆泉圖乾隆辛亥石刻黃易小

仙筆飛空泉未疏牽蘿重闢舊榛蕪自李香林諸公葺祠以後

小泉方鑑湖更憶歸舟更泊歸舟指鑑湖而泉亦久塞今與程

水濱傾蓋有同心謂小祠井原泉尚可尋倘復墨華霑剉稷中

舊有墨千霜遺響憶仙吟

魁郎齋詩鈔

後編卷七

七 越峴山館



